

KUTAZIBWA KWA

BUSYU BWA LEZA

 Lino kuciindi mabbunga esu naali msyoonto, tula sola ku-ku binda, kuzwa kutegwa twa konzya...kubeleka ku bukanze obu bomwe, kuli ndinywe kuziba Busyu bwa Jesu Kristo. Mwabona? Ikuti na Nkwali lino, mpawo, baa, zintuzyonse zya sitikizigwa. Wa kabamba Ijwi. Uli waano ku Li simpikizya. Ula tondezya kuti Uyo Li simpikizya. “Ngu mbobuca nguwenya, sunu, amuya myaaka.” Tula Mu bona kacicta busiku bwainda, cakutakakilwa; tula Mu bona, busiku a busiku, a buzuba a buzuba, a mwaka a mwaka. Taakwe ciindi comwe Na kaamba kumbele cintu cili coonse, kakutakwe kulanganya mbo cakabede, cindi nica kacitika, kuzwa ku ziindi zili zyuulu, zya ceeco cakali londokede mbuli mbo kweelede, aa ciindi, a ciluleme. Mbobuti mbo cikonzya...? Mbangaye bazi booboo, alimwi bazi mulimo, alimwi bazi kuti obo mbwini? Nceeco we. Taakwe ciindi comwe, kakutakwe kulanganya, obo akwalo mbo citakonzeki, kacitika mbubonya buyo. Ngu Leza! Elyo ikuti na twa ziba buyo eco, ku cijata!

² Elyo lino tu jisi buyo ciindi cisyoonto kuba kokuno. Ndi yeeya kuti masiku otatwe ambi, na masiku obile ambi a buzuba, kwainda masiku sunu. Ndi yeeya kuti Munsondo masikati nkuswaangana kwa kujala. Tu sola kujala Munsondo masikati kutegwa beembezi a bantu boonse...Ta tuyandi kumutantamuna kuzwa ku mbungano yanu. Tu yanda buyo kuyungizya banji ku mbungano, a kumupa lusyomo lunji muli Leza kuti mubeleke belekela mu mbungano yanu. Mwabona? Elyo ta tuyandi milyango ya mbungano jalwa, pee. Tu yanda kuti mukkale okuya, pele tu soleka buyo kumugwasya, ku kumuyumya. Ii lubukulusyo ta lwaambi akwalo kuyungizya kunji ku mbungano; i lubukulusyo lwaamba ku bukulusya eco nco mujisi kale; mbo mbubo, lubukulusyo.

³ Nda kalangilila ciindi cimwi ku nkowmwe ya lwizi, oko guwo nkoya kali kuunga, alimwi lya kali kuzungaana buyo. Baa, tii yakali nkowmwe ya lwizi, ya kali—ya kali kutala ku Lake Michigan. Nda kaliumvwi okuya nke langilila mayuwe mbuli mbwa kali kunjila, alimwi—alimwi, oh, olo lwizi lwakali kusotauka, na maanzi kaasotooka, alimwi—alimwi a maato aa sobelela. Elyo Nda kayeeya, “Ino ncinzi eco cicitika?” Nda kayeeya, “Baa, lwizi lujisi lubukulusyo.” Nce ncico. Lula sotauka a kuzungaana, nkaambonzi? Ndeelyo guwo lyuungisya lyanguzu kali selukila ali ndilyo. Nda kayeeya, “Ee, uli zyi cintu na? Kwiina dosi lyomwe lya maanzi muli ndulo ndyoonya lino

kwinda mbo lwakabede kaluumwine cakumaninina.” Taakwe maanzi ambi muli ndulo; luli kopene koonse. Ee, lino, ino lukopene nzi? Nywebo mulizi obo kukopanya kwa maanzi nco kucita? Kula salazya masifwilila oonse kuzwa kuli ngawo, atala ly a nkowme.

⁴ Nce ncico neco tu yandikana, kusanzigwa kwa kutasyoma, aa nkowme. Akube kuti Ijwi lya Leza libe a bwendelezi. Nce ncico neco tu yandikana, lubukulusyo, a kugwisya koonse kutasyoma, a buuka bonse a malweza, a zintu. Kayutuka a kubona kuti Leza ucili Leza. Nce ncico neco tu jisi lubukulusyo.

⁵ I Mwami atugwasye mbuli mbo tusala cibalo eci a kucibala sunumasiku. Akube kuti Mwami alongezye kubala kwa Ijwi Lyakwe, kujanwa mu Musalali Matayo, i—i cipati 12, kampango ka 38 aku kampango ka 42.

⁶ Elyo cibalo cangu sunumasiku ngu: *Kutazibwa Kwa Busyu Bwa Leza*. Busiku bwainda twa kali kwaambaula zya Jesu mukuba mbobuca nguwenya, sunu, amuya myaaka, a kubona kuti Wa kali mbobuca nguwenya, sunu, amuya myaaka. Lino Busyu Bwakwe, ikuti na Ngu mbobuca, uutazibwi. Atu bale.

Mpawo bamwi balembi aba Farisi baka vviila, kabaamba kuti, Simalela, tu yanda kubona citondezyo kuzwa kuli nduwe.

Pele wa kaingula a ku baambila, Ii nzyalani mbi ya bumambi iyandaula citondezyo; elyo taku kabi citondezyo ciyo pegwa kuli njiyo, pele citondezyo ca musinsimi Jona:

Nkambo mbuli Jona mbwa kabede mazuba otatwe a masiku otatwe mwida lya nswi mpatti; awalo mbubonya Mwana wa muntu mbwa yooba mazuba otatwe a masiku otatwe mu moyo wa nyika.

I bantu ba Niniva bayo buka i mu lubeta a nzyalani eyi, nkabela bayo ipa mulandu: nkaambo ba keempwa ku kukambauka kwa Jona; alimwi, amubone, mupati kwinda Jona mpali ano.

Elyo namalelo waku musanza uyo buka mu lubeta a nzyalani eyi, nkabela uyoipa mulandu: nkambo waa kazwa ku zibeela zili kulaale zya nyika kuzoomvwaa busongo bwa Solomoni; alimwi, amubone, mupati kwinda Solomoni mpali ano.

⁷ I kutazibwa kwa Busyu! Ino inga bantu aba kabayeeya nzi? Leza lyoonse, yakali nzila eyo ciindi coonse Na kasika. Cindi Jesu nakali waano ciindi citaanzi, Wa kati, “Nywebo—nywebo mula botya akutubya malambo a zyuumbwe zya basinsimi, elyo mwaka babikka omuya.” Mwabona, cintucimwi cilacitika, elyo cilainda. “Elyo Leza ulacisia kuzwa ku meso aa basongo a basimaanu, a kuciyubununa ku bavwanda abo banga baiya.”

Jesu wakalumba Taata ku kucita ceeco. Mwabona? Cila indilila ncobeni ku bantu nkabela taba cizyi.

⁸ Kupa mukozyanyo, nywebo nobantu ba Katolika okuno sunumasiku, mula yeeya myaka misyoonto yainda, Joan wa Arc, mu France, mulindu muniini oyo wakali ncobeni... Waa kasololela lucinco lupati mu France, pele waa kali i—mulanda wa Kristo ncobeni. Ino mbungano yanu yaka mucitila nzi? Yaka muumpa ku cijailo, mbuli mulozi, nkaambo waa kabona zilengaano alimwi wakali simuuya. I Mbungano ya Katolika yaka muumpa, mbuli mulozi, ku cijailo, nkaambo waa kali simuuya a kubona zilengaano. Ii myaka misyoonto yakainda, ba kajana kuti oyo mwanakazi wakali musalali. Aboobo mubwini mwa kacita kulipa kwanu kwa kuusa, mwaka vumbulula eyo mibili ya bapaizi yaka mupa mulandu akumuumpa, a kubasowela mu mulonga. Mubwini, oko, mwaka cita kulipa kupati kwakuusa kuli ceeco, ku kuvumbulula eyo mibili ya bapaizi.

⁹ Lino, mu mazuba aa basinsimi, ncinzi cakacitika? Ba kacita cintu nciconya. Tiiba kabaziba kusikila niba kacita kusika, mulimo waka manizigwa, baka gusya abo Basale, elyo mpawo niba kamana kuunka ba kaziba kuti kwakali musinsimi akati kabo.

¹⁰ Jesu, Wa kaboola ku nyika. Kabikkidwe abube muli Nguwe bwakali bwa Taata Leza. “Mebo a Taata Wangu tuli bomwe. Taata Wangu ukkala muli Ndime. Nseli Ndime ucita milimo, pele Taata Wangu. Elyo ikuti na Nse citi milimo ya Taata Wangu, muta Ndi syomi.” Lino, ikuti na mwalangisya cindi Na kasika, kutandila wani—wani nainithi ya inyika ya kalizi kuti Wa kali aa nyika ku ciindi eco, elyo nekubaboo Mufutuli wa inyika. Elyo mpawo tiiba kaziba kuti Wa Kalini, akwalo mbungano na taakwe muntu umbi, nokuceya, kusikila baka Mu bambula, kazikkwa, a kubuka ku buzuba bwatatu, kabatana sola kuziba Oyo Mbwa kabede.

¹¹ Cila boola akuzwa, elyo bantu taba cizibi pe kusikila cainda elyo, balo, nkaambo kakuti ta ceeleli lwiiyo lwabo lwabukombi, ta ceeleli ciindi ca buzuba. Mwabona, mbo cibede, lyoonse baponena mu kubekema kwa bukkalo bumbi, lyoonse.

¹² I kaambo nco bata katambula Jesu, nkaambo bakali kuponena mu kubekema kwa Mulao. Elyo cindi Jesu nakasika, takaimpene ku Mulao, pele wakaboola kuzulizya Mulao, ee, tiiba kakonzya ku Mu zumina nkaambo Mulumbe Wakwe tii wakali munzila njionya njo baka ujisi kuba kayanza koonse kabuzumini, elyo wa kaitwa kaindi kuti twakali tunsiyansiya. Elyo Ta kaboola kweendelana ku tunsiyansiya twabo. Ta kabamba tunsiyansiya twabo. Elyo ncobeni Wa kacinyonganya, a kucizapaula, a—a kucita zintu zyakcitungwa zyaimpene kuli ncico, cakuti ba kayeeya kuti Wa kali kupasaula mambungano. Elyo

tiiba kakonzya ku Mu tambula nkaambo ka Mulumbe Wakwe. Elyo toonse tu lizi sunu kuti Wa kaboola ncobeni mu nzila ya cisinsime ca Leza, pele tiiba kacizyi kaindi.

¹³ Elyo caka konzya kucitika alubo, alimwi teetwa kaciziba. Nda yeeyela ikuti na inga Wa libonya ncobeni sunumasiku, inga caimpana loko kuli ceeco nco twa kamvwisya mu machart esu, a mu zikolo zyesu a zintu, inga caba basyoonto loko bayo ziba eco cakali kucitika. Wa kati ciyooba booboo, nzila Mbwa boola.

¹⁴ Lino, Jesu mukuba okuya wakatondezegwa Camalembe loko kwiinda ku Magwalo, a Balembi a ba Farisi ba buzuba obo tii baka konzya ku Mu ziba. Nkaambonzi tiiba kacita, nkaambonzi ncoba taka cicita? Nkaambo baka cimvwisya munzila imwi imbi. Mpe mpawo Jesu mpa kabaambil, "Amulingule Magwalo, nkambo muli ngawo tuyeeya kuti mujisi Buumi Butamani, alimwi nge ngawo ayo aa Ndi lungulula." Mwabona? Lino Wa kaboola mbubonya mbuli Magwalo. Pele ndiza baka cimvwisya kuti Uyo boola, i Mesiya antela uyo cita eco Musa nca kacita, na eco Nowa nca kacita, kabayakila bwaato na cintucimwi, cimbi. Pele, kaambo Nca kaboola nzila Nja kacita, tiiba baka mvwisya; mu Magwalo a tunsiyansiya twabo, tiiba kaba yiisya; aboobo bantu bakali nyongene loko teeba kazyi eco cakali kucitika.

¹⁵ Ndalibuzya ikuti na eco inga cacitika sunu? Nda libuzya ikuti na inga caba candeene kwiinda tunsiyansiya twesu nto twa tuyisya? Elyo caka konzya kusika, alimwi cintucimwi nicakainda ko nkabela nitwa takasola kuciziba kusikila cakainda kale, elyo mpawo camana. Eco citandila buyo nzila mbo ciyo boola.

¹⁶ Sena mulizi, cindi Johane Mubapatizi nakasika aa cilao, eco cakaambwa kumbele ku nzila yoonse kuzwa ku Bbuku lya Isaya, myaanda ya myaka? Kutandila myaka ili myaanda ya lusele, Isaya wakasinsima, Ndi yeeya kuti, kakutanaba kuboola kwa Kristo. Sena mwakalizi kuti Johane wakasika mbubonya nzila Isaya mbwa kaamba kuti uyo boola, wa kaboola nzila njionya Malaki nja kaamba kuti uyo boola, alimwi abalo baapostolo tiiba kaciziba? Buzuba bumwi, muli Matayo 11, Johane wakali mu ntolongo; a baapostolo, bamwi basikwiya bakwe bakaunka kuyo buzya Jesu kuti Wa kali Nguwe, na—na sena beelede kulangila umbi.

¹⁷ Lino amubone, Jesu tako bapa bbuku lya nzila yaku lilemeka kabetu, nzila yaku lilemeka mu ntolongo, na nzila ya kulilemeka ciimo cakwe. Wa kati, "Amukkale koonse a kulangilila eco cicitika, a kuunka kutondezya Johane zintu nzo mwabona kucitika." Eco cakali citondezyo cakuti i... Wa kali Ijwi eelyo.

¹⁸ Elyo lino amuyeeye, Ijwi lyoonse liboola ku musinsimi. Toonse tu lizi obo. Leza taciti cintu kakutakwe kucitondezya ku basinsimi Bakwe. Ako nkekaambo Bbuku lya Ciyubunuzyo ca Jesu Kristo mbuzule buzwide bwa Kristo nkoonya okuno

kumbele lyesu, Bbuku. Lino Uyo elela kutuma umwi ku, muntu umwi, kusimpikizya Bbuku eelyo, ku Li yubununa, kujula Zinamatizyo, azimwi zimbi. Pele kuciimo mbuli ciyubunuzyo cili coonse ambele ca Kristo, ca zibwa kale mpoonya Awa. Walo mbuzule bwa Ceeći, ca Ciyubunuzyo. Lino amubone, ta cicii kukakilwa, pele Ijwi liboola ku musinsimi.

¹⁹ Amulange Johane kaimvwi mu meenda, kaamba kumbele, musinsimi, kuti Mesiya wakali mpoonya akati kabo. Wa kati, “Ngooyo Umwi wiimvwi akati kanu lino, oyo ngo mutazi; Uyo mu bapatizya a Muuya Uusalala a Mulilo.” Lino amuyeeye, Wa kalimvwi mpoonya akati kabo, Bbaibbele lya kaamba booboo, nkabela tiiba ka Li ziba. Buzuba bumwi cindi Jesu naka selemuka, Johane waka Mu ziba, elyo wa kati, “Amubone Kabelele wa Leza uugusya cibi ca inyika.” Lino amulangilile, Ka tana zibwa aa muntu uuli oonse, Wa kaboola ku musinsimi. Wa kali Ijwi. Johane wakali musinsimi.

²⁰ Nda yeeya mwiiyi wangu mudaala muna Baptisti waka ndaambila, kati, “Yebo ulizi eco cakacitika na?” Kati, “Jesu waka bapatizya Johane.”

Nda kati, “Nse yeeyi booboo.”

²¹ Wa kati, “Masimpe, Johane takalina bapatizingwa; wa kaboola kukambauka, kubapatizya, taakwe muntu wakali kweelela ku mu bapatizya. Jesu waka mu bapatizya.”

Nda kaamba, “Ta ndizi pe.”

²² Elyo buzuba bumwi kuciindi ca kulangalanga, Muuya Uusalala waka ciyubununa mbuli booboo, mwabona. Amulangilile, Wa keenda kuzwa mu maanzi; wa kati, “Nkaambonzi Nco boola kuli ndime? Ndi yandikana kubbizingwa kuli Nduwe.” Jesu wakati, “Kozumizya eco kuba booboo,” amulangilile, “pele oku kelelela kuli ndiswe (kuleelede kuli ndiswe) kuti tu zulizye bululami boonse.” Johane, mukuba musinsimi, mukuziba Ijwi! I Cituuzyo Nca kabede, ceelede kusanzingwa kacitana kutuulwa; mpawo Wa kabbizingwa, Johane waka Mu bbizya, nkaambo, “Ci leelela kuli ndiswe kuti tu zulizye bululami boonse.” I Ijwi lya kaboola ku musinsimi, mu maanzi.

²³ Elyo mpawo cindi Na kabbizingwa, nekubaboobo bantu... Elyo Muuya Uusalala wakaseluka, kutali bantubonse baka Ubona. Johane waka Ubona.

²⁴ I Angelo wa Mwami inga waba mpoonya awa sunumasiku, alimwi ndiza muntu omwe wa Mu bona, alimwi taakwe umbi.

²⁵ Oyo Mumuni, eyo Nyenyezi yakaboola ku busena bwakweembelela zyakujuju boonse, oko i—i bantu basongo nkoba katobela; taakwe busena bwakweembelela zyakujuju buzyi cimwi kujatikizya ncico, kwiina umbi waka Ibona, pee,

pele abo bantu basongo, nkaambo cakali cabo ku Kwii bona. Ba ka Ibona. Ya kali kasimpe kuli mbabo.

²⁶ Cindi Mumuni, Musumpululu wa Mulilo, kaumya Paulo, mu mugwagwa kuyaku Damasiko, wa kaziba kuti wakali mu Busyu bwa Leza. Lino, oyo mu Hebrayo nata kaita muuya umbi uuli oonse kuti, "Mwami," kunze lyabooobo wa kalizi kuti Oyo wakali Musumpululu wa Mulilo nguwenya waka sololela bantu bakwe kuzwa mu nkanda. Wa katи, "Mwami, Ino Nduweni?"

"Saulo, Saulo, nkaambonzi nco Ndi penzezya?" Wa katи, "Ndime Jesu."

²⁷ Jesu wakati, "Ndi zwa kwa Leza, alimwi Ndi bweedela kuli Leza." Wa kali oyo Mulilo wakali mu citeo ciyaka, oyo waka sololela Musa kwiinda mu nkanda, elyo Wa kabweeda kuli Ceeco.

²⁸ Elyo lino ngooyu mbwakabede, mu lweendo kuselemukila ku Damasiko, waka uminwa ansi. Elyo muntu oonse wakali a nguwe, taakwe noba kabona oyo Musumpululu wa Mulilo. Elyo Ca kali kasimpe loko-loko kuli Paulo kusikila Ca kazima meso akwe, alimwi wa keelede kusololelwа kuselemuka kagwagwa kategwa Kasuumene, mu Damasiko. Wa kali moofu.

²⁹ Ananiasi, musinsimi kumusanza okuya, wakabona mu cilengaano, wakainka kuyo bikka maanza ali nguwe nkabela wa katambula Muuya Uusalala, nkabela zikwa zyakaloka kuzwa ku meso akwe elyo wa kakonzya kubona alubo. Wakali wa kasimpe loko kuli nguwe kusikila Wa kazima meso akwe, elyo nekubaboobo taakwe bamwi babo baka Uziba mukuba okuya, bakali kukonzya Kuu bona.

³⁰ Aboobo—mbo cibede sunumasiku! Kuli muntuumwi ukkede mpoonya alya ukonzya kuleta Leza aa cilao, kakuli bamwi tabakazi cintu cijatikizya ncico. Mwabona? Kuziba Leza!

³¹ Elyo Jesu, cindi Na kali ano aa nyika, alimwi wakacita kumaninina citondezyo eco Bbaibbele ncolya kaamba kuti Uyo cita, pele tiiba kaciziba nkaambo tee cakali kweendelana ku kansiyansiya kabo. Ku bukkalo obo, Ta keelede kuboola a kucita eco Musa nca kacita. Wa keelede kuboola a kuzyalwa kuli nakalindu. Elyo Walo, alimwi kweendelana ku Deutronomo 18:15, Wa keelede kuba Musinsimi. Elyo mbubonya Wa kacita milimo eyo a zitondezyo.

³² Iba Juda lyoonse bakayandaula zitondezyo. Ba kayisigwa kuta yaamina ku bukanazi bwabupampu; ba Juda bakaziba kabotu kwiinda boobo. I ba Griki baka yiisa eco. Pele kutali bukanzi bwabupampu, pele aa zitondezyo. "Kotu tondezya citondezyo." Aba bantu, umwi wakati, "Rabi, na Simalela, kotu tondezya citondezyo." Ba kali kuyanda kuziba. Elyo Wa kabatondezya kale citondezyo, alimwi bakali kuyanda musyobo wandeene wa citondezyo, pele Wa kali kukonzya buyo kucita citondezyo ca bukkalo obo.

³³ Mbubonya Mbwa cita sunu, oku kutilwa kwa Muuya Uusalala ncizibyo ca kulibonya Kwakwe akwalo mu bukkalo obu, mbuli Mbwa kasyomezya.

³⁴ Ba yanda citondezyo, alimwi Wa ka bapa citondezyo ca Lugwalo, pele bakali kuyanda citondezyo caandeene.

³⁵ Awo mpempawo bantu banji sunu mpo bayo nyonganisigwa. Nywebo mulizi, Kukwempwa inga kwacitika, a kuyeeya buyo kuusa kuli nkuko! Andi jokele oko Jesu, na . . .

³⁶ Johane wakatuma basikwiya bakwe kuyo bona Jesu, ikuti na Wa kali Mesiya na pe. Eelyo oora, Wa kacita zintu zinji. Cindi na ka bweeda, basikwiya, ku kwaambila Johane eco nco bakabona, Jesu wakaamba kuli baabo bakkede awo, kati, “Ncinzi ncomwa kainkila kuyo bona mu nkanda? Ncinzi ncomwa kainkila kuyo bona cindi Johane nakali kukambauka? Sena mwa kaunka kuyo bona muntu kasamide zikobela zituba, azimwi zimbi, na—na cisani citeteete?” Kati, “Balo i . . . mu ng’anda ya bami. Bala zikka bafwide, a kumyonta bavwanda, a kukwata bakbusysi, azimwi zimbi, eco. Ba zyi mijatilo ya panga lijatwa amaanza obilo.”

³⁷ Kati, “Ino mwakainkila kuyo bona nzi mpawo, tete kali pekema ku muuwo uuli oonse, muntuumwi, nkamu imwi iyo mupa kunji kumwi kwa mali nkabela uyo unka kuli *umwi* oyu mubusena bwa kuunka ku lwiito lwa Mwami? Kutali Johane! Muntuumwi wakali kukonzya ku munyonaua koonse, kwaamba, ‘Tuyo kupa kunji ikuti na uyo kaka *Ceeći* a kubweza *ceecı*? Kutali Johane!’” Wa kati, “Ino mwakainkila kuyo bona nzi mpawo, musinsimi?” Wa kati, “Nda mwaambila, ‘kwiinda musinsimi.’ Elyo ikuti na mula konzya ku citambula, oyu ngo nguwe musinsimi ngwa kaamba, ‘Amubone, Nda tuma mutumwa Wangu kumbele lya busyu Bwangu, oyo uyo bamba nzila.’” Elyo oyo wakali Malaki 3, awo mpa kacicita.

³⁸ Buzuba bumwi basikwiya baka Mu buzya, bakati, “Nkaambonzi Balembi baamba kuti Eliasi weeledé kuboola lutaanzi?” Jesu wakati, “Wa kaboola kale nkabela tii mwa ka ciziba,” elyo baka mvwisyá kuti wakali Johane Mubapatizi. Abo baapostolo bakasalwa nekubaboobo tiiba kakonzya kubona kuti wakali ni. Oyo wakali Eliya.

³⁹ Lino amulange. Nywebo mulizi, i—i Kuboola kwa Mwami kuyooba kuboola kwa maseseke. Wa kati, “Kuyooba bobilo mu bulo, nkabela Njo bweza omwe a kusiya omwe,” awo mpempawo i—i masiku mpabede. “Bobilo mu muunda, Ndiyo bweza omwe a kusiya omwe.”

⁴⁰ Nywebo mulizi, kuli bantu banji loko bazimaana mazuba oonse, kuzwa ku busyu bwa nyika, cakuti taakwe muntu ukonzya kupeda bulunguluzi. Bumwi bwa mazuba aya inga kwaba kuti bantu bayo amba, “Ee, yebo waamba mapenzi, cintu cili aali ndiswe lino? Nda kayeeya kuti Mbungano ya

keelede kuunka kakutanaba mapenzi mapati.” Taba boni a kumvwisya kuti Kukwempwa inga kwacitika kuti taba kaziba cintu kujatikizya nkuko; kalo nkaziye ka Mbungano.

⁴¹ Elyo, amuyeeye, bantu bayo zumanana ncobeni kukambauka, kabati basyoma kuti bali mukufutulwa, a kuyungizya mu mbungano, a kuyaka mambungano, a kuzumanana mbuli buyo mbo bakacita mu mazuba akwa Nowa, a zimwi zimbi, alimwi kuta ciziba; alimwi Kukwempwa kwakainda, “kwa kacitika kale nkabela tii mwa ka ciziba.” Kuli myaanda ya bantu yazimaana kuzwa a nyika a bantu tabazi cintu cijatikizya oko nko bakaunka, Taba konzyi kupeda bulunguluzi kuli neico; muntuumwi wakali kuunka kubusena bumwi, teebakamvwu limbi kuzwa kuli mbabo. Elyo oko inga kwawa Kukwempwa.

⁴² Nda mwaambilila, beenzuma, nkaambo buyo kakuti tuli mamembala aa mbungano, na cintucimwi mbuli ceeco, eco tacaambi kunji maningi kuli ndiswe. Yebo ncibotu waangisyia cilwanyo eco. Yebo ncibotu wabweza eelyo Ijwi lyoonse lya Leza a kujatilila kuli Ndilyo, a kuleka kulilemeka kwa Hollywood eyi koonse kuliko. Cili jisi moonya mu mbungano, alimwi mause. Pele Hollywood ilamweka, ipanga buyo mumuni ubalama, a mbungano sunu isola kweezyanisya a Hollywood. Kristo tali mu Hollywood. Kristo uli mu mugame. Hollywood imweka na... Hollywood ila balama, kuciindi Makanimabotu namweka mu bubombe. Leza tali mu masena mapati mabotu akwelelezya azyonse ezi zintu nzo tubona. Ula boola mu bubombe, mu ciimo ca lubombo a buuya, kainda moonya mukati, alimwi ikuti na muli zibilene a Ijwi, muyo cibona.

⁴³ “Oyo ujisi liso, lya kumvwa, a swiilile eco Muuya nco waambilila mambungano,” mwabona, eno, eno sunu.

⁴⁴ Oyo wakatondezegwa, Wa kalizibya Mwini kabotu ku basyomi buzuba obo, balo abo bakali kulangila. Amulange Petro a Andreyo, amulange Nataniyeli, taakwe mubuzyo mu mizeezo yakwe, amulange mwanakazi ku mukalo, kwakanyima kucibuzyabuzya.

⁴⁵ Pele aba ba Farisi, mazuba masyoonto kakutanaba awo cibalo cesu mpo cibede sunumasiku, ka Mu bona kacita eco, elyo mpawo ka Mwiita kuti “Bezebule, i dyabulosi.” I milimo yaka citwa. Ba kacita kwiingula mbunga yabo, aboobo cintu buyo nco bakali kukonzya kucita nku ciita kuti “muuya mubi.” Bezebule wakali dyabulosi, mbuli musondi na cintucimwi. Elyo kufumbwa muntu ulizi kuti kusonda nkwa dyabulosi. Elyo bakali kweezyanisya, oko Nkwa kabede Ijwi lyakaziba maseseke aa moyo alimwi uli—alimwi uli mukutondezya kuti Wa kali oyo Musinsimi wa keelede ku busigwa kuli ndiswe mu buzuba buno, i Musinsimi-Munununi; elyo cindi Na kacita ceeco, mbungano mu buzuba obo yaka Mu lungulula kuba “Bezebule.”

⁴⁶ Sa mwabona mbo bakabede? Wa kati, “Muli boofu, basololela boofu.” Taba kanjili, alimwi tabaka balekeli abo bali kunsi lyabo kunjila.

⁴⁷ Eco nco tuyanda kucita sunu nku jana Bwini. Twe elede kuziba Bwini. Sa Ngu mbobuca? Sa Uli waano kuzulizya ceeco Nca kasyomezya kuzulizya? Amulingule Magwalo a kuziba eco Nca elede kucita sunu.

⁴⁸ Ako nkekaambo kakuti John Wesley...na Martin Luther taka konzya kuzumanana a mulumbe wa Wesley; baka ubunganya, oko nko kuciimo nkowa kakonzya kuunka. Ambali kwakasika Luther, kuzwa mu mbungano ya Katolika, elyo wa ba...Wa kali simiyeyeo igambya, kuli mbabo; pele wa kajisi mulumbe wa kululamikwa, nkaambo Lya kali Ijwi lya Leza, cisyomezyo. Mpawo balo, kwiinde lufu lwakwe, baka bunganya kabunga ka Luther. Mpawo ncinzi cakacitika, caka jatwa anguzu koonse alubo.

⁴⁹ Elyo kweendelana ku Lugwalo kweelede kuba bukkalo bumbi bwa mbungano, alimwi, cindi ni cakacita, Bukkalo bwa Mbungano ya Filadefia bwaka buka, John Wesley. Elyo eco cakacitika, kazumanana kuya kumbo ciindi coonse. Elyo cindi nica kacitika, bwakali bukkalo bwa mbungano, a John Wesley wakabuka, pele Luther taka konzya ku citambula nkaambo bakali libambilide kale ku kululamikwa. Ta kakonzya kutambula kusalazigwa.

⁵⁰ Mpawo cindi bana Wesley nibakaba kabunga munzila mboba kacita, a mitabi misyoonto yakamwaika, eyo yakacita, ambali kwakasika mulumbe wa Pentekoste wa kuboozezya kwa zipego; taakwe wabo wakali kukonzya kweenda, ba kali kabunga kale.

⁵¹ Lino cibeela cuusisya nsoni ca ncico, ba Pentekoste bakabunganya loko.

⁵² Amulange buzuba mbo tuponamo, eco caka syomezegwa ku buzuba buno. Mpaali mpo tubede? Twa kazumanana kutanta. I Musumpululu wa Mulilo weenda, nkabela bana ba Israyeli bakeenda a Musumpululu wa Mulilo nape baka jokela ku Egepita. Twe elede kweenda a Ijwi.

⁵³ Elyo sunu tuyu buba batolo maningi, mbungano iya buba maningi kuli zyanyika a kancimwa maningi, alimwi aboobo mizeezo yabo kaipalangene loko nkambo ka televizhioni, a *Tula Muyanda Sucy* a zimwi zintu ezyi zyakaindi, nkabela kukkala ku maanda. Eco citondezya awo myoyo ya bantu mboibede. Elyo inga wa baambila zintu ezi kuti zili lubide, alimwi bayeeya kuti uli nyongene. Ino ncinzi? “Basikuyanda misaalo kwiinda basikuyanda Leza.” Mwabona?

⁵⁴ Oh, musaalo mupati maningi Ngwe zyi, nku komba kusikila Nda konzya kumvwisya kuti Ndili mu Busyu bwa Leza, a ku ciziba. Ndi yeeya kuti oko kweelede kuba

kubotelezya ku Mbungano, bwalo Mbusyu bwa Muuya Uusalala; mukubona Leza wakapanga cisyomezyo kaimvwi akati kesu, kumvwa Busyu Bwakwe a kubona Ijwi Lyakwe, a ku Li bona kalisimpikizigwa. Lye elede kupa lusyomo, kubamba balema kweenda, boofu kubona, basinkematwi kumvwa, basyataambi kukanana.

⁵⁵ Nda kaima mu South Africa, oko nko Nda kajisi bantu bali zyuulu zili myaanda yobile ku mugwagwa wa Durban, elyo cindi niba kabona ciindi cimwi eco nicaka citika mbuli booboo, kumane ku cipandulula kuli mbabo, mu ciimo buyo ciniini cibotu; elyo bakabona cintu comwe kacicitika, eco cakayubununwa, alimwi bantu bali zyuulu zili makumi obile-azyosanwe baka ponesegwa ndyoonya buyo. Ba kabweza myootokala ili ciloba, matraki kufumbwa kuti kuzwa *waano*, ma traki mapati ajisi mavwili ali cisambomwe a kkumi alusele mbuli booboo, kwazuza zyeenzyo zyakaindi a zintu. Bahedeni, abo batazi akwalo janza lyalulyo a lyu lumwensi.

⁵⁶ Elyo buzuba bucilila, Ba. Sidney Smith, meya wa Durban, kandi tumina a kuti, “Koya ku mpulungwido yako, kubusena kuya ku Lwizi lwa India, uyo bona cintucimwi ncota nakubona.” Alimwi oko kwakali kusindikilwa kwa basilikali kuselemuka a myootokala mipati eyo yakali ciloba kaizwide zintu, a myaanda ya bantu kabeenda kunze lyaco, buzuba kabutana kuba mu zibwezelo a tulo a ziyumu a ziyumuzyo ezyo nzyoba kajisi, kwiimba, “Syoma buyo, zintu zyoonse zilakonzeka.” Ii mvwiki kakutanaba, okuya, ba kali mu nkondo kuli umwi aumwi, lumamba lwa basicisi. Elyo mbaabo bakali kweenda, kuboko ku kuboko, janza mu janza.

⁵⁷ Nkaambonzi? Ba kaziba kuti Leza wa Julu wakali bonya kumbele lyabo mu ciimo ca Ijwi Lyakwe. Elyo swebo tobana America bapampu tula kkala. Bayo buka mu Buzuba bwa Lubeta a kupa mulandu ku nzyalani eyi, kuli eco neco twa kabona.

⁵⁸ Cindiyeezya mwanakazi mu Louisville, Kentucky, kutali ciindi cilamfu cakainda, kajisi muvwanda muniini, keenda koonse mu cintoolo ca teni seenti. Elyo waa kali kucita zintu ziniini, kasola ku mubamba kuziba, elyo muvwanda muniini waka zumanana kudumanina cigaminina. Elyo kumalekelo waa kabwezela mulangu muniini, kufumbwa cintu eco ceelede kukwelezya kumvwa kwa mulombwana muniini kutandila musela oyo. Elyo waa kalizya mulangu, nkabela mutu miniini waka dunamina buyo cigaminina kunembo. Elyo waa katalika kukwiila, a kuwida atala, elyo bantu bamwi bakasika kuzo mugwasya. Waa kati, “Oh, peepe, tacikonzyi kuba! Ta cikonzyi kuba!”

Kati, “Ino ndipenzi nzi?”

Kati, “I dokotela wakati muvwanda wali kabotu.”

Kati, “Ndipenzi nzi ku muvwanda, mulindu?”

⁵⁹ Kati, “Ee, wa kaba akuganyuka kutandila myweesi ili cisambomwe yakainda, kuti cakuti ukkala buyo a kudunamina. Takukwe makani mbo cibede, ceelede kukwelelezya kuswiilila kwa muvwanda oyo, taciko kwelelezya kuswiilila kwakwe, elyo ukkala buyo akudumanina. Dokodela waka ndaambilila kuti wa kayeeya kuteeti wakali kabotu loko. Elyo Nda muleta kunselelo okuno, kuzo bweza tubelesyo tuniini oto tweelede ku kwelelezya mwana ulya, alimwi ta cici. Walo ucikkede a kudunamina.”

⁶⁰ Eyo nje nzila mbungano mboiba! Leza waka zungaanya zisyomezyo zyoonse mu Bbaibbele, kumbele lyabo. Nekubaboo tu kkala buyo a kudunamina biyo. Langa nzi? “Kondi tondezya citondezyo, sa ulacita?” Elyo ciyabuya ciindi coonse, moonya munsi lyesu. Kuleta Busyu bwa Leza, bweelede ku tumunikila. Cindi Leza nakapanga cisyomezyo, Ula ima munsi lya cisyomezyo eco. Iiyi, munene.

⁶¹ Jesu nakamana kutondezya citondezyo Cakwe Cabumesiya, kuti Wa kali Mesiya oyo, nekubaboo mu busyu bwa zyoonse ezyo, “Kotu tondezya citondezyo.” Mwabona, tiiba kaziba, bakali kuya budunamina kutozya kumbele lyabo. Tii cakali muli mbabo kusyoma.

⁶² “Yebo,” mbuli baama bangu bakaindi baku musanza mbo bakali kwaamba, “yebo tokonzyi kujana bulowa kuzwa tanga, nkaambo kwiina buliko omuya.”

⁶³ Tiiba ka Mu ziba, koofwaazigwa loko ku buzumini bwabo bwabukombi a—a—a zimwi zimbi, nzo baka jisi buzuba obo. Taakwe noba kaziba Magwalo aa cisyomezyo, nkaambo buzumini bwabukombi bwakali vumbilide. Tuyanza twa buzumini a tunsiyansiya twabo twa buzuba obo twa kavumba cisyomezyo ca Lugwalo. Ikuti niba kayisigwa kweendelana ku Lugwalo, kuti eco cakeelede kuba citondezyo eco caka tobela Mesiya!

⁶⁴ Mbangaye basyoma kuti Wa kaboola mu citondezyo Cakwe ciluleme? Masimpe, Wa kacita, Wa kaboola kweendelana ku cisyomezyo. Pele baka yiisigwa buzumini bwabukombi, “Tula syoma muli *ceeci*, alimwi tula syoma muli *ceeco*. Boonse babo basyoma muli Leza. Boonse babo . . .”

⁶⁵ Sunu, swebo tobana America, kapati, tu yeeya kuti tuyo langwa buyo nkaambo twa kayaka mambungano mapati, a kuba a beembeli babotu a zintu. Amuyeeye, ikuti na eco cakali boobo, Leza taluleme ikuti na Wa tutola mukati mbuli boobo; nkambo, Kaini a Abela, bakombi bobilo bataanzi aanze lya Edeni, ba kayaka cipaililo ku Mwami, bobilo babo baka panga cituuzyo, bobilo babo baka tuula zipego, bobilo babo baka komba, pele umwi wakali luleme a umbi wakali lubide. Amubone, tweelede kuba a Bwini, alimwi Bwini ndi Ijwi lya Leza, Iyoonse. Lino ncimwi sunu, bantu kaba ofweede loko. Ba lati . . .

Nda amba, “Sa uli—sena uli Munakristo?”

⁶⁶ “Oh, Ndi zulilwa ku cintu cili boobu-boobu.” Mwabona, eco tacikwe cintu cakucita a ncico. Nse jisi cintu caku lwana ceeco, pele eco tacili ncico Nce sola ku mwaambila. Kozulilwa ku mbungano ili yoonse njo yanda. Insimbi yako tai bambi lwandaano luli loonse.

⁶⁷ Nda kali kwaambila mweembeli cifumo cino. Kutala mu Colorado Nda kali kunga ndeenda mu kuyobolola, a zimwi zimbi. Elyo Nda kali kunga ndakkala okuya, kuulu kwangu aatala lya cuuno, mbuli *boobo*. Elyo Troublesome River Hereford Association icezezya ku Troublesome River Valley. Mpawo mula unka kutala lya kkuti, kwiinka ku ntabi ya kujwe a kumbo. Zyonse ng’ombe kuzwa *awa* atala, mu Nkamu, zicelela ku ntabi ya kumbo; alimwi—alimwi kakamu Nke kali ako, kacezezya ku ntabi ya kujwe. Mpawo ba kajisi lubaya lwa kusunzya kuya kwa kulesya ng’ombe kuzwa ku nyika ya kumbali, a kutala mu malundu kwiinda mu mainza.

⁶⁸ Elyo twa kali kunga twa yobolola ng’ombe, zyone na zyosanwe zyandeene, zili lusele na kkumi zyandeene, ku mulonga, kali kuyobolola ng’ombe zyesu mu butololo, ku zitola kutala okuya. Elyo Nda kali kunga ndikkede awo, kuulu kwangu atala lya cuuno ca lwija, ni twaka mana kujana ng’ombe zyoonse, zya kadindidwe nsimbi zyoonse azintuzyonse, kutali kuzibingila kujoka ku macelelo.

⁶⁹ Elyo sikulangalanga wakaima awo. Wa kali kuzibala mbuli mbo bakali kwiinda mo. Elyo Nda kabona kuti kwakali misyobo yoonse ya simbi. Ba. Grimes baka jisi i—i—i Diamond Bar, alimwi atala buyo lyesu kajisi Turkey Track, twa kajisi Old Tripod, elyo kwakli nsimbi zyandeene kwinda omuya. Pele i—i sikulangalanga takabikkila maanu ku insimbi. Wa kabona impa ya bulowa mu kutwi. Taakwe yakali kukonzya kuya ku macelelo ayo, akubamba inkamu zya kutintanya, kulekela ng’ombe zyabo kululama ku musyobo, taakwe cintu cakali kukonzya kuzumanana kuya pele musyobo wini unjoloma wa Hereford. Ya keelede kubikkwa impa ku kutwi, kwiinda ku mpa ya bulowa.

⁷⁰ Eyo nje nzila mbo kuyooba ku Lubeta. Ta kandi buzyi ikuti na Nda kali i—i muna Methodisti, Baptisti, Presbyteria. Insimbi Nje jisi tai kaambi cintu kuli Nguwe. Tacili cintu pele Munakristo wakazyalululwa, wakazyalwa ku Bulowa bwa Bulowa bwa Jesu Kristo, obo buyooba obo buya kunjila. Taakwe cisyoonto kwiinda ceeco ciyo njila. Lino tu yanda kuyeeya, amuyeeye ceeco.

⁷¹ Lino, cindi Na ta zibwi, nguzu Zyakwe zya—... lyoonse zili yubunwidwe, cindi Na ta zibwi. Takukwe makani obo kunji Leza mbwaimvwi calino, mweelede ku cisyoma. Kwa mana.

⁷² Mbuli mwanakazi waka jisi cilwazi cakuzwa bulowa. Bantu boonse kabainda munsi, elyo boonse babo kabaimvvi kutala, kabati, “Ngooyo wainka Rabi. Oyo ngo Mulombwana utaminina kuba Musinsimi. Oyu ngu sikwiindilizya,” a zyoonse mbuli ezyo.

⁷³ Pele ncinzi cakacitika? Oyu mwanakazi muniini waka jisi cilwazi cakuzwa bulowa, elyo waa kamvwa kujatikizya Nguwe. Elyo cindi naka selemukila okuya, kakutakwe kulanganya eco umwi nca kaamba, waa kaziba kuti Walo Wa kalini. Elyo waa kati, “Ikuti na Nda konzya biyo kuguma cikobela Cakwe!” Mwabona?

⁷⁴ Elyo cindi olo lusyomo lwini, muli Leza, lwakaba cintu cakasimpe kuli nguwe, ino lwa kaangulula nzi? Lwa kaleta nguzu Zyakwe zyaku muponya. Lwa ka Mu guma munzila ili boobo, Wa kanyona a kumwaambila eco cakalubide kuli nguwe, kati, “Lusyomo lwako lwa kufutula.” Ino cinzi cakacita? Lusyomo!

⁷⁵ Bamwi kabaimvvi alya ambweni bakali cisidwe loko kwiinda nguwe, pele, nywebo mwabona, waa kaziba Busyu Bwakwe. Waa kalizi kuti cakali coolwe cakwe.

⁷⁶ Ikuti na twa konzya buyo kucita ceeco sunumasiku, bantu! Ikuti na twa konzya buyo kuziba kuti Uli mukulibonya kuli ndiswe mu miswaangano eyi, ku bukanze bomwe, nkokuti, kwaangulula kuyandisa kwesu nko tujisi muli Nguwe, kuli ndiswe. Pele tweelede kuziba Busyu Bwakwe. Elyo lino mbobuti mbo ziba Busyu Bwakwe, ndeelyo Ijwi lyaka syomezegwa lya bukkalo *obu* noli yubululwa, kutali Ijwi lya kasyomezegwa ilya bukkalo bwa Musa, na kufumbwa makkalo ambi, cisyomezyo ca Ijwi lya bukkalo *obu*!

⁷⁷ Lino tu jana kuti Wa kazumanana nebeni. Elyo Jairasi, mulombwana muniini kutala okuya kajisi mwana musimbi ufwide, waa, wa kasyoma eco Nca kaamba kuti bwakali Bwini. Lino amuyeeye, wa kali mupaizi, alimwi wa kakasigwa, nkaambo ca kaambwa cakusiniza, “kufumbwa muntu oyo wakabeleka a Nguwe inga uyo tandwa kuzwa mu sinagogi.” Ee, naa wa katandwa na pe, wa kakkutila kuti Leza wakali muli Kristo, alimwi eelyo lyakali Ijwi. Elyo ino lyakacita nzi? Lyamupwa nguzu zya bubuke zyakali muli Nguwe; ameni, kabusya musimbi waka fwide, aku mubikka abusena, nkaambo wa kaziba kuti Leza wakali muli Kristo, alimwi Busyu Bwakwe bwakali mu ng’anda yakwe.

⁷⁸ Pele mu munzi omo Mwa kakomezegwa, ezyo nguzu nzyoonya zyakali muli Nguwe, mu munzi omo Mwa kakomezegwa, pele tiiba ka Mu ziba. Busyu Bwakwe, kuli mbabo, tii cakaamba cintu; ndiza sikwiindilizya umwi. “Zili kuli zintu ezi? Ba ndaambila kuti Ula cita *boobu-a-boobu*. Andi Ku bone ku zicita awa.”

⁷⁹ Sena mwa kamvwa eco? “Ikuti na kuli...Nywebo no cikama caba pentekoste, a nywebo nobantu, kuti, mula syoma mu kuponesegwa kwa Buleza? Ngooyu *niini-a-niini* awa, andi kubone umuponye.”

⁸⁰ Oyo ngu dyabulosi nguwenya mukulukulu, umwi nguonya wakati, “Ikuti na Uli Mwana wa Leza, kolailila mabwe aya abe cinkwa.”

⁸¹ I dyabulosi nguonya mukulukulu, cindi na kavumbide meso Aakwe, baka Mu uma aa mutwe kubelesya kasamu, a kwaamba, “Lino,” katambikizya kasamu, umwi kulu umbi, a kuti, “twaambile wa Kuuma, nkabela tuyo Ku syoma ikuti na Uli Musinsimi.” Ta kacita. Ta sangabalisyi umwi. Inzya.

⁸² Umwi nguonya, cindi Na kali aa ciingano, kati, “Ikuti na Uli Mwana wa Leza, koseluka kuzwa ku ciingano a kutondezya kuti Uli Mwana wa Leza.” Na kakonzya kucicita.

⁸³ Ba ka Mu pa mitelo mipati maningi Nja kasola kuba ayo, okuya, pele tiiba kacizyi. Ba kati, “Wa kafutula bamwi; Mwini Ta konzyi kulifutula.” Ikuti Na kali futula Mwini, Na taka konzya kufutula bamwi. Wa kalipa Mwini kutegwa Ka konzya kufutula bamwi. Mwabona, tiiba kaziba Busyu bwa Leza. Kwa mana.

⁸⁴ Lino ca kaangulula nguzu zya kuponya, a nzi? Kuyo angulula nguzu zya kujula meso aanu ku Mu ziba, na koofwaazya meso aanu kutegwa mutaka Mu zibi. Eco cijula meso aa umwi, kujala meso aa sikutasayoma.

⁸⁵ Pele, munzi, teeба kajisi kaanzambwene muli Nguwe. Ku ng’anda yamu Farisi, waka Mu tamba kunselelo; kuli Simooni, mu Farisi, nkabela waka bambide cilalilo cipati, a mu Farisi wakali kuyanda kutondezya kuli mbabo kuti Ta kali Musinsimi. Aboobo wakali kusule okuya kaguntaanya nkomeki zyakwe a zinywido zyakwe zya waini, a mapemfyumu onsemabotu mu ng’anda.

⁸⁶ Elyo Jesu wakali njide kale kwindilila muli sikusanzya matende, akukkala acuuno awo. Elyo, tombe, kununka kwa i—i kwa muunda ali Nguwe, awo banyama mpo bakabede mu kazila, a zikobela Zyakwe. Ako nkekaambo baka sanzya matende mu mazuba ayo.

⁸⁷ Elyo, nywebo mwabona, cintu citaanzi, cindi mwa tambwa ku—ku ng’anda omuya mu Palestine, cindi nibakali kusama ezyo nsangu, cintu citaanzi neco bakacita cakali kusanzya matende anu, elyo mpawo kumupa cintucimwi; kweendela a makkapeti abo, tusila tulemu tuna Persia azintu, twakali tubotu.

⁸⁸ I cintu citobelna ncoba kacita, mpawo bakupa mafuta mu janza lyako. Aka gusigwa kuzwa ku apele niini eyo ijanzwa kulaale mu cilundu, duba lya apele. Kwalo duba taliko, lisiya apele a pemfyuumu mbotu. Alimwi bala—bala inana kumeso abo. Alimwi eyo mitunga igaminina ya zuba lyaku Palestaine

mibyaabi, alimwi, nywebo mwabona, oko kupanga bweema bubi. Elyo—elyo mpawo cindi wacita, mpawo sikutambula waboola ku mulyango nkabela wa kabamyontha ku nsingo a kubabamba kutambulwa.

⁸⁹ Mbobuti basikusanzya matende mboba kasola kulekela Jesu kutacitwa, kakutakwe kusanzya matende Aakwe na—na—na ku Mu pa mafuta kuti ali nanike Mwini, na akwalo ku Mumyonta katambulwa?

⁹⁰ Pele kwakali sibwaamu muniini mu kagwagwa. Boonse bakombi okuya lino, nkamu yoonse tii yaka Mu ziba. Elyo mwanakazi muniini wa mpuwo mbi, waa kalanga kwinda mukati, antela mulyango, elyo waa ka Mu bona kakkede mbuli lubaluba lyu ku bwaanda.

⁹¹ Eyo nje nzila Mbwa bede asunu akati ka nkamu ya bukombi ayalo, duba lya mu galadeni, lita tambwidwe, lita yandwi. “Mubumbulusi uusalala, musofwi, a sitombe,” mbo ba Ci ita, “musyobo umwi wa ii—ii muntu oyo uuta kkwene; musondi, kukwabana mizeezo,” na musyobo umwi wa zina bbi.

⁹² Elyo Jesu, Ndiyo sika kuli ncico mu maminiti masyoonto, kati, “Koamba ijwi kusampaula Mwana wa muntu, ciyo jatilwa kuli ndinywe; pele cindi Muuya Uusalala wasika kucita cintu nciconya, ijwi lyomwe tali kajatilwi kuli nduwe.” Mwabona?

⁹³ Pele awo mwanakazi oyo muniini wakabona kuti Wa kali kuyandikana mulimo. Elyo waka binda kunjila cakufwambaana, kaunka akubweza kabbokesi ka alabbasita kazwide mafuta. Antela waka kaula amali akazwa ku bwaamu bwakwe. Pele cakali cinzi? Kwayanda waa kayeeya, “Walo ii—Walo Musinsimi. Pele Nda yeeya mwanakazi uumbi mu kubamba kwangu, syakacite umbi mbuli wangu; waa kajisi coolwe alimwi waa ka Mu ziba, nkabela waa kajatilwa.” Kutala kuya ku mukalo wa Sukari, masiku ainda twa ka cikanana. “Elyo ikuti na Nda konzya buyo kusika kuli Nguwe, Ndi lizi Oyo Mbwa bede, Ndiyo Mu citila mulimo. Ikuti na bamwi babo, Ta ndikwe makani eco ncoba cita. Ndiyo Mu citila mulimo. Ndiyo ziba kuti Walo Mwana wa Leza.”

⁹⁴ Waa kazuzila mukati. Waa kaswena loko kuli Nguwe, nkabela waa kalimvwa mulandu maningi. Eyo nje nzila sizibi uupengede mbwa limvwa mu Busyu Bwakwe, ula mulandu!

⁹⁵ Elyo misozi yakatalika kuloka, elyo waa kali kusola kwiisisa. Ya kalokela ku matende Aakwe. Waa kali kuyo Mu nanika, pele misozi kailoka aa matende Aakwe. Elyo waa katalika kwiipukuta, a—a kulila, a—a kwipukuta kubelesya maanza akwe. Elyo—elyo matende Akwe oonse akali nombene mu tombe lyakali ali ngawo; elyo—elyo ikuti na muyanda ku cisyma ncobeni, a kununka kwa banyama kuzwa mu mukondo, bantubonse bakeenda kakondo komwe. Elyo nceeco mbo cakabede, kununka aali Nguwe, kakkede awo, a misozi

yakwe yakali kuloka ku matende Aakwe, elyo waa kali kusola kwiisinda. Elyo ta kajisi cisansamuzyo.

⁹⁶ Ino mbubotu nzi bwa mwanakazi a lulemeko? Alo masusu aakwe. Aako nke kaambo bunji bwanu nobanakazi sunu mula gela oonse. Eco cili lubide. Waa—waa kabweza masusu akwe a kutalika kusanzya i... matende Aakwe, a kwaapukuta, masusu akwe—akwe mabotu, kugwisya kununka kuzwa kuli Nguwe, ali lwakwe, kubweza sampa Lyakwe. Oh, ma! Nce cindi noziba kuti Nguni uli busyu bwako. Mwabona? Bacizi besu beelede kutandila kwimikila a mitwe yabo, ku kujana masusu manji akucita ceeco. Aboobo ngooyo waa kasanzya matende Akwe, a kwaapukuta kubelesya masusu a mutwe wakwe, nkabela waa kamyonta matende Akwe.

⁹⁷ Elyo oyo Simooni mudaala kaimvvi kusule okuya, kati, “Huh! Huh!” Oh, Nda konzya ku mubona kazulwa kunyema. Ta kaziba kuti Wa Kalini. Kati, “Nda kamwaambila kuti Ta kali Musinsimi. Ikuti na Wa kali Musinsimi, Na kaziba musyobo wa mwanakazi oyo uli munsi Lyakwe.”

⁹⁸ Jesu kwiina nakapusya tende. Wa kamu langilila buyo. Elyo waa kayoowa.

⁹⁹ Mpawo Na kamanizya moonse, walo ucita mulimo kuli Nguwe, Wa kalanga koonse, kati, “Simooni, Ndi jisi cintucimwi ca kwaamba kuli nduwe. Wa Ndi tamba okuno. Wa Ndi leta okuno,” mu majwi amwi, kutamikizya kwa mu moyo. “Wali kuyanda ku Ndi tondezya. Wali kuyanda kutondezya kuti Nseli obo Mbwe bede. Elyo yebo, cindi niwa Ndi leta okuno, wa elede kusanzya matende Angu, pele tiwa cita. We elede ku Ndipa mafuta aakunanika mutwe Wangu, pele tiwa cita. To ka Ndimyonta kutambulwa. Elyo mwanakazi oyu, kuzwida ciindi ni Ndali kokuno, wa sanzya matende Angu a misozi yakwe, a kwiipukuta kubelesya—kubelesya masusu akwe, alimwi kuzumanana kumyonta matende Angu kuzwa Neli kokuno. Ndi jisi cintucimwi caku kulwana, Simooni.”

¹⁰⁰ Mpawo Wa muvuulukila. Inga ndayeeya buyo kumubona kaimvvi alya, a meso akwe mapati mabotu oonse akateta, a busyu bwakwe, elyo awo mpaka jisi mafuta a—a lusuko kuzwa mu mugwagwa, ku busyu bwakwe. Elyo ula yeeya, “Lino sa Nda lubizya? Sa Nda lubizya?”

¹⁰¹ Wa kati, “Elyo Nda mwaambila kuti, ‘zibi zyakwe ezyo zili zinji, zila jatilwa. Koya mu luumuno.’”

¹⁰² Cakali cinzi? Waa kaziba. Waa kaziba coolwe cakwe. Mwabona? Waa kacicita. Waa ka Mu citila mulimo. I ba Farisi tii bakacicita. Waa kacibona nkabela waa kaziba Busyu Bwakwe, elyo ino cakacita nzi? Ca kasanzya. Ino cakapa nzi kuli nguwe? Kujatilwa. Kwa kaletwa kuli nguwe, kujatilwa kwa zibi zyakwe. Ino cakacita nzi acalo? Ca kavungulula nguzu zya Leza, ku tondezya kuli batasyomi kuti Wa kali Musinsimi. Wa kalizi obo

mbwa kabede. Ca kapa lutangalo a nguzu a Buumi Butamani. Ca kapa eco.

¹⁰³ Pele umwi waka citya mpikili mapati loko kukankaminwa mu matende mayandisi, ta kaziba Busyu bwa Leza muli Nguwe. Wa kali ku Mu yanda akwalo kucita bupyungi bumwi bwaansi bwa nguwe, kusangabalisyah kumwi.

¹⁰⁴ Eco ncencico nyika ncoi yanda, sunu, ncikama ca kusangabalisyah. Ta bayandi Makanimabotu. Ba yanda kusangabalilwa.

¹⁰⁵ Elyo Pilato wakati, “Ndi yanda kuyanda maleele amwi kuzwa kuli Nguwe, na cintucimwi mbuli ceeco. Amu Mu lete atala awa.” Moonya mu Busyu bwa Leza, a ku Bu kaka, nkaambo (inzi?) kuti wa kalumba i-i muzeezo wa buleya kwiinda mbwa kalumba kuba a coolwe cakuba mu Busyu bwa Leza. Ncinzi cakacitika? I mwanakazi waka jatilwa, a kupegwah Buumi Butamani; pele wa kanyongana a kusondoka, akuli jaya ku kulinyikizya mwini mu Switzerland.

¹⁰⁶ Lino, kubamba, kubwezwa a muyeyeo wampuwo wa buzuba obo, kuti, “Wa kali Bezebule; Wa kali kulicengeezya buyo; kwakanyina cintu ncobeni kuli Nguwe,” walo, ncinzi nca kacita? Wa ka cisweekelwa, wa ka sweekelwa coolwe cakwe, mu Busyu bwa Leza, na kakonzya kujatilwa. Wa kati, “Ndi jisi nguzu zya Ku kubambula. Ndi jisi nguzu zya Ku kukwaangununa.”

¹⁰⁷ Wa kati, “To jisi nguzu citakuti zyazwa kuli Taata Wangu.” Wa keelede kuziba, ikuti na kaziba Lugwalo. Elyo walo, mukuba mu Juda, wakeelede kuziba ceeco. Pele, nywebo mwabona, tunsiyansiya twa kayiisigwa kuli nguwe. Eyo nje nzila mboibede sunu. Ikuti na kayiisigwa buyo kabotu! Ikuti na muntu naka syoma eco Magwalo nca kaamba! Pele kansiyansiya kakwe kakamu gwisya kuli ngawo.

¹⁰⁸ Mbubonya mbo cibede sunu. Bantu bayo bweza Makani mabotu ncobeni, oko Muuya Uusalala nkou boolela, a nguzu a bulemu bwa Leza kazivuna basizibi kuzwa ku cibi a kubabamba kwaanguluka, a kuba batapitzya mu Muuya Uusalala, a kuponya balwazi, a kutondezya zitondezyo a zigambyo, a bantu bayo tantamuka, kwaamba, “Aah! Lino ulizi eco mbungano yangu nco isyoma? ‘Obo mbufuba!’” Mwabona, mula leka; mula sambala bupati bwani. Esau umbi!

¹⁰⁹ Banji maningi bala jana ciindi nciconya sunu, kwiimikila mu Busyu Bwakwe mbuli mboba kacita kaindi. Elyo nekubaboobo, nkaambo ka muzeezo wampuwo, ba Ci kaka. Kabaimvwi mu Busyu bwa Leza! Nda libuzya, mweenzuma, sunumasiku, ikuti na swebo to bantu bali Mbanakristo, mu Busyu Bwakwe, alimwi bali cisidwe, ikuti na tatukaki ciindi cakuponesegwa kwinda muku Mu syoma buyo? Swebo notu taminina ku Mu syoma, tatu bumvwisyi ncobeni Busyu Bwakwe, eco Nca kasyomezyah kucita sunu.

¹¹⁰ Kusimpikizigwa kwiinda ku cisyomezyo ca buzuba, Jesu wakali kutapatila nzyalani eyo nkambo ka kutasyoma citondezyo Cakwe Cabumesiya. Tula cibona awa, Wa kali kuba tapatila. Ku Mwi ita kuti Bezebule! Ba kali ku Mu yanda kucita citondezyo ca Musa, ndiza, kujula Lwizi Lusalala. Ba kali ku Mu yanda kucita citondezyo ca Davida, kubweza cuuno cabwami a mfulumende. Pele taakwe Lugwalo lwa kaamba kuti Uyo cita eco. Wa keelede kuba Musinsimi. Ula boola, i Mwaami. Wa keelede kuba Musinsimi kaindi, alimwi Wa kacita citondezyo eco Leza nca kaamba kuti Uyo cita mu mazuba ayo, alimwi bakacili ku Mu yanda kucita citondezyo cimwi caku babotela. Mwabona?

¹¹¹ Elyo Nda libuzya buyo ikuti na ta tuboneki kulangila kumbele maningi ku cintucimwi eco cili munsi lyesu. Ndalibuzya ikuti na inga yaba nzila njionya, ikuti na twa konzya kwiinda ku coolwe cesu? Amuyeyye, mbuli zimvule zya kaindi, zimvule tazikonzyi kumwaika. I citondezyo camamanino, kweendelana kuli Jesu, Wa kati, "Mbuli mbo kwakabede mu mazuba akwa Sodoma, aboobo mbo ciya kuba mu mazuba cindi Mwana wa muntu," kutali Mwana wa Leza lino, "cindi Mwana wa muntu ano yubununwa." Amulange awa mpo cikkede sunu! Beenzuma, inga Nda mwaambila zintu zimwi awa zitali kabotu kuli ndime ku mwaambila, pele inga zya mugambya.

¹¹² Ndi yanda kumubuzya mubuzyo muniini kuciindi no twiima, katutana zumanana a kuswaangana oku, maminiti buyo masyoonto. Nda libuzya ikuti na inga Nda mubuzya ceeći.

¹¹³ Kufumbwa muntu ulizi kuti inyika, mubusena, zintuzyonse zili mu bubambe bwa ncililano ya Kuboola Kwakwe. "Mizuzumo yanyika mu masena aansininsini; mweezi ulimu kutila bulowa busubila, na volukkano kuli koonse, kwii vumba," mbuli Jesu mbwa kaamba amulangilile citondezyo eco mu mazuba aa mamanino; "lwizi kaluvuumma, myoyo ya bantu ili mukuwizuka nkambo ka buyoofu, a kuzingwa akulibilika kwa ciindi, mafwabi akati ka masi."

¹¹⁴ Amulange ku lupilingano aa bweende sunu! Amu cilange sunu, peseenti ili foote kwindilila mu California, ya basikulalana muli cabo, baka sweekelwa luyondo lweelede.

¹¹⁵ Amulange aa . . . Amulange sunu, obo bantu mbo bayo kkala ku ng'anda, abo baliita kuti Mbanakristo, a kuswiilila ku ziimo zili boobo mbuli Pat Boone, Elvis Presley, Ernie Ford, a baabo baimba ziimbo Munsono; elyo amulange zintu ezyo, ba balanga kumyonta banakazi, a zintu okuya.

¹¹⁶ Kakuli, kwiina mwaalumi weelete kusola kumyonta mwanakazi kusikila wa kakwatwa kuli nguwe. Oko nkuswaanganya kwa magilandia a mwaalumi a mwanakazi. Akube kufumbwa nko cinga caba, cili lubide. Nca mucito wankwela mubumwi. Cindi magilandia a mulombwana a

mwanakazi aagumana, walo mucito wankwela. Alimwi ali bambidwe...Ii mwaalumi kumyonta mwaalumi mu kanwa, inga kwamu bamba kuluka, na mwanakazi ku mwanakazi. Nkaambonzi cili andeene? Ngu—ngu mucito wankwela, mubumwi. Mbo mbubo. Ii cikozyanyo ca Kristo kumyonta Nabwiinga Wakwe, mwabona. Ta mweelede kucita ceeco.

¹¹⁷ Pele amucilange sunu, zyonse ezi zipekupeku a zintu, a cidyobedyobe comwe cipati ca kumyonta aku gwambatilana. Alimwi incobeni kutandila kuba mamambi antangalala, konse, a abntu kabofweede loko cakuti taba konzyi kucibona. Yaa! Zintuzyonse zili mu ciimo ca Sodoma, bana Sodoma koonse, mbuli Bbaibbele mbolya kaamba.

¹¹⁸ Zintu zinji loko, amulange mu mazuba aya, eco Nca kaamba kuti ciyo citika! Amulange ku zisyomezyo ezyo Nzya kabamba, zyakali kuyo citika buzuba buno. Elyo mpawo kulingula, eco cicitika, a kubona awo mpo tubede, mpawo mula bona naa Ucili mu Ijwi Lyakwe na pe.

¹¹⁹ Ba kali kuyanda kubona citondezyo ca Musa, citondezyo ca Davida. Eco tee cakali ca bukkalo bwabo; caka syomezegwa ku bukkalo bwa Musa a bukkalo obo. I cisyomezyo ca bukkalo obu ceelede kucitika. Wa kaba tondezya cantangalala, Walo, ku Lugwalo, a ku batamba kulingula Lugwalo, kubona buzuba mbo bakali kuponamo.

¹²⁰ Uli mukucita cintu nciconya ndyoonya lino! Amulingule Lugwalo, nywebo nomu syoma Bbaibbele. Ncinzi ceelede kutola busena nkoonya okuno kakutanaba Kuboola Kwakwe?

¹²¹ Amulange inyika, mu busena; lino, eyo ni inyika. Amulange mbungano, awo mpo ibede. Amulange mpo ibede, “kuwa, kukasaala, Laodikeya, kutanda Ijwi.” I cintu coonse kacinjila mu kkanso mpati ya mambungano, Nkamu Yanyika iya Mambungano, kaapanga caando ca munyama; eco Bbaibbele nco lyaamba kuti ta ciluzi, a zintu ezyo, elyo nekubabooobo ba Protestant bala njila moonya muli ncico, kuzolozya mutwe kusaanguna, mukutaziba Lugwalo. Kansiyansiya kab! Oh, ba yanda i—i—i—i muntu wa nguzu, nkabela bayo jana omwe. Bayo bona kuti ba cimvwa.

¹²² Wa kajisi, amulange, pele Jesu wakalitondezya cakulondoka Mwini mbubonya kuti Wa Kalini, alimwi waka tondezya kuli mbabo kuti Wa kali ni, mu bukkalo Bwakwe.

¹²³ Elyo cintu nciconya sunu! Lino amulange, atu bweze kubambwa oko kwa Luka 17, “Mbuli mbo kwakabede mu mazuba akwa Sodoma.” Amulange inyika, amulange mbungano, ciimo ca Sodoma! Amulange oko Lota nkwa kabede; cindi bantu abo akwalo niba kasola ku—kusoleka kuli syanikizya mu mulyango, ku baangelo aba, bantu aba.

¹²⁴ Amubone, amulange awa. Kuli... Amulange, Abrahamu wakali atala lya mulundu. Ta kali mu Sodoma. Oyo mukozyanyo.

¹²⁵ Kuli misela yotatwe lyoonse ya bantu mu kubungana kwa bukombi; basyomi, basikuli kozyanisya, a batasyomi. Lyoonse bali botatwe! Elyo mbaabo bakaliko; mbaabo bana Sodoma batasyomi, sikuli kozyanisya walo Lota, a Abrahamu Mbungano Yakasalwa.

¹²⁶ Lino, amulangilile batumwa babo mu buzuba obo. Batumwa bobilo bakaunka kunselelo a kuyo kambauka ku Sodoma. Tiiba kacita maleele ali oonse, kubauma buyo kuti babe boofu. I kukambauka kwa Ijwi kucita ceeco.

¹²⁷ Pele amulangilile musyobo wa maleele oyu Angelo ngwa kacita oyo waka kkala a Abrahamu. Wa kafutete sule Lyakwe. Elyo wakaambila Abrahamu zina lyakwe kuti lyaka cincwa; ka mwiita kuti “Abrahamu” mibusena bwa Abram. Ta kakonzya kuba a muvwanda kusikila zina lyakwe nilya kacincwa, nanka Sarah. Wa kabaambila obo zina lyabo mbolya kabede. I Angelo waka baambila ceeco. Elyo Wa kati Uyo swaya Sarah kweendelana ku ciindi ca buumi.

¹²⁸ Elyo Sarah wakaseka makani aco. Elyo cindi Sarah nakaseka . . . I Muntu kapede sule Lyakwe, i Muntu ulya nyama ya moombe, a kunywa mukupa uuzwa ku ng’ombe, a kulya cinkwa; Muntu, lusuko aa zisani Zyakwe, sinyendo, wakali Leza Mwini. Elyo Abrahamu waka ciziba nkaambo Wa kalizi miyeeyo yakali mu moyo wa Sarah kunze Lyakwe. Kat, “Nkaambonzi Sarah waamba muli lwakwe, ‘Mbobuti zintu ezi mbo zikonzya kuba?’ Sa kuli cintu cili coonse ciyumu maningi kuli Leza?” Mwabona? Elyo Sarah waka zuza kuzwa a ku cikaka. Wa kat, “Iyi, pele wacita.” Lino, Na katola buumi bwa Sarah mpoonya alya, kuli nguwe kuunduluzya, pele, mwabona, walo ncibeela ca Abrahamu.

¹²⁹ Elyo kutasyoma kwesu mu kutondezegwa Kwakwe kupati mu oora eli; tuli cibeela ca Kristo. Walo buyo, mwabona, tuli—tuli, mwabona, besu . . . We—We elede ku cibamba.

¹³⁰ Lino, amubone, takunaba ciindi mu makani akale aa bukkalo bwa mbungano . . . Elyo Ndi lizi sicikolo omwe wini Ngwe kanana, simakani akale. Ta kunaba. Inga ndabuzyaa kufumbwa sicikolo wa Bbaibbele ku ndaambila mutu omwe oyo wakasola kutumwa ku bukkalo bwa mbungano, mu mbungano eyi kuzwa ku kubambulwa kwa Kristo, mulimo wa nyika mboizulwa, kuti zina lyakwe lyakasola kumana a h-a-m, mbuli A-b-r-a-h-a-m, kusikila buzuba buno. Sankey, Finney, Moody, Knox, Calvin; pele kufumbwa mutu wakali okuya G-r-a-h-a-m kale, Billy Graham, muvangeli mupati kubusena kuya a tubungwe oto tuli mu Sodoma? Nee. Kuli Oral Roberts wa busyaasunu abusena awo aba Pentekoste, cintu nciconya. Sena mwakalizi obo?

¹³¹ Pele, h-a-m! Lino, G-r-a-h-a-m ntubala biyo tuli cisambomwe, pele A-b-r-a-h-a-m tubala tuli ciloba.

Cisambomwe mweelwe wa muntu, kabunga ka muntu, muntu kali mukucita; pele A-b-r-a-h-a-m tubala tuli ciloba. Lino amubone, mu basale ba Mbungano abo bakasomonwa, kutali tubungwe oto, pele Mbungano yakasalwa kuti ilibonye, ci leelede kuba a mutumwa, awalo, mu mazuba aya aa mamanino.

¹³² Ncinzi cicitika kumusanza okuya? Ncinzi cicitika atala awa? Kuceezyanisa aceeco Jesu nca kaamba. Takuba bede mu makanii aakale nkotwa kasola kubamba. Elyo zitondezyo nzizyonya ezyo ziyo citwa! Sa tamu mvwisyi, beenzuma, a kuziba kuti ngu Leza wakaseluka mu Makanimabotu, mu bantu Bakwe, kuli yubununa Mwini? Sa tamu konzyi kuziba oora ndyo tuponamo? Sena twa kaligusya lwesu ku kamba maanza asyoonto, kulizya piyaano, a kuloolola *ceeci*, a—a kuzwa ku Ijwi, mane tuli boofu kuli ncico? Masimpe tatu citi. Atu zibe oora ndyo tuponamo.

¹³³ Petro, Natani, na Nataniyeli, mubwini, a mwanakazi, bala ciziba. Ba, ba—ba kaziba citondezyo Cakwe, citondezyo ca Mesiya.

¹³⁴ Mbulonya lino mbuli zintu ezi Nze amba. Mpawo ku bukkalo obu, Jesu wakati... Lino amulangilile, Uli muku tondeka kusule lino, ku baambilila zya bukkalo. Leza, mu bukkalo buli boonse, cindi Na katuma Mulumbe Wakwe, oyo wakali Ijwi Lyakwe, a ku Li zibya ku bukkalo obo; bantu abo baka Li syoma, cakali ciindi cibotu kuli mbabo; bantu abo bata ka Li syoma, baka njila mu lupyopyongano. Mbo cibede lyoonse.

¹³⁵ Mbuli mu mazuba aa Jesu, cintu nciconya. Amu Mu langilile kaimvwi awa eno. Wa kati, "Mbuli mbo kwakabede mu mazuba akwa Jonasi, muli Jona; nkambo mbuli Jona mbwakali mwida lya nswi, mazuba otatwe a masiku, mbubonya Mwana wa muntu mbwaelede."

¹³⁶ Wa kati, "Ii nzyalani mbyaabi aya bumambi iyo yandaula citondezyo." Lino mulizi eco Nce yeeya kuti Wa kali kucita? Wa kali kusinsima, "Inzyalani mbyaabi aya bumambi."

¹³⁷ Nda libuzya na muntu umwi ukkwene inga wakaka kuti ta tukali mu nzyalani ikompeme ya mamambe, cindi basikulalana mulicabo, lupilingano! A kulekana mu America kuli aatala loko kwiinda cisi cimbi cili coonse mu nyika. Elyo inyika yoonse yanjila mu lupyopyongano lwayo. Botatwe kuzwa muli bone boonse, kutandila, ba kalekwa; koonse, kutola cintu coonse mu myaka ili kkumi ya lukwatano. Mwabona? Amu ciyeeye! Kulekana, kukwata alubo a kukwata alubo, kulekana a kukwata alubo. "Ba kali kulya, kunywa, kukwata bamakaintu a kupegwa mu lukwatano." Amulange ku oora ndyo tuponamo. Ndelili nica kasola kuba mu lupyopyongano luli boobo?

¹³⁸ "Ii nzyalani mbyaabi aya bumambi iyo yandaula citondezyo," amubone, nkabelia bayo tambula citondezyo. Inzi? Eyi nzyalani. "Nkambo mbuli Jona mbwakali mwida lya nswi,

mazuba otatwe a masiku, i Mwana wa muntu weelede kuba mu moyo wa nyika mazuba otatwe a masiku.” Ino ncitondezyo nzi eyo nzyalani mbyaabi yabumambi ncoiya kutambula? I citondezyo ca bubuke.

¹³⁹ Elyo sunu, kumane myaka ili zyuulu zyobilo, tu cibona Jesu Kristo mu nguzu zya bubuke Bwakwe, kaimvwi akati kesu, kacita zintu ezyo Nzya kacita kaindi a kusyomezya kucita. “Ii nzyalani mbyaabi aya bumambi iyo yandaula citondezyo, lyoonse kuyanda ‘nditondezye eci, alimwi ikuti na ula konzya kucita eci a kucita eci.’ Bayo cijana, citondezyo ca bubuke.” Ngu mbobuca nguwenya, sunu, amuya myaaka; Ijwi lya yubululwa, kakkala akati kesu. Obo mbo tweedele kulumba Leza ku citondezyo Cakwe cipati!

¹⁴⁰ Amubone Wa kaamba ku cintucimwi cimbi okuya. Wa kat, “Elyo mbuli namalelo waku musanza mbwaya kubuka,” oyo ngu namalelo waku Sheba. Amuswilile kabotu lino.

*I namalelo waku musanza uyo buka mu lubeta
a nzyalani eyi, nkabela uyo ipa mulandu: nkambo
wakazwa ku zibeela zyakule zya nyika kuzomvwa
busongo bwa Solomoni; alimwi, amubone, mupati
kwinda Solomoni mpali ano.*

¹⁴¹ Amubone, atu tondeke kuli ceeco, maminiti masyoonto. Wa kali kubala Bbaibbele ndilyonya ndyo tubala, kujatikizya Jona, alimwi Wa kali kubala kujatikizya Solomoni. Lino, cindi bukkalo bwa Solomoni nibwa kasika, wa kajisi ii—wa kajisi cipego ca kutweluka. Elyo bantu boonse, cisi coonse, baka cisyoma. Bantu boonse bakali moyo omwe a kuzuminana komwe. Bantu boonse baka cisyoma.

¹⁴² Ikuti na bantu boonse, sunumasiku, ikuti na boonse ba America, niba jokela buyo kuli Leza a kusyoma Leza, nkaanzambwene kabotu maningi nko tujisi, ziyooba ziyusilo zya mabbomba zyonse azintuzyonse zimwi.

¹⁴³ Taakwe wakacenga Solomoni. Bakali kumu yoowa nkaambo wakali muntu waka jisi cipego. Elyo bantu baka musyoma booboo, wa katumwa kuzwa kuli Leza, kusikila baka mubamba mwaami wabo. Masi oonse akabayoowa; kutali kaambo ka nguzu zyabo zya mpi, pele nkaambo Leza wakali ambabo.

¹⁴⁴ Elyo ikuti na cisi eci citaminina kuba Bunakristo, ikuti na cakonzya buyo, boonse antoomwe, ku jatilila ku cipego eci cipati caka pegwa kuli ndiswe mu mazuba aya aa mamanino, Muuya Uusalala wa Leza aa Mbungano. Kutali kansiyansiya. I Muuya wa Leza! “Kutali ku nguzu, kutali ku bukozu, pele ku Muuya Wangu,” mbwaamba Leza. I Muuya Uusalala, Jesu Kristo mu ciimo ca Muuya, aali ndiswe, “mbobuca nguwenya, sunu, amuya myaaka,” kubamba Ijwi eli kupona eco Nca kaamba kuti Liyo cita. Amulangisisye kabotu lino.

¹⁴⁵ Oh, makani akaunka mu nyika yoonse! Tiiba kajisi cipekupeku a redio, a zintu mu mazuba ayo, aboobo akainka kuzwa ku milomo kuyaku kutwi. Elyo kwiinde kaindi nkamu mpesi ya bantu beendela abanyama yaka selemukila kwini kulanduka Lukula lwa Sahara, lwalo ndweendo lwa myeezi yotatwe kuzwa ku Palestine kuselemukila oko nkawakali kukkanala. Elyo lusyomo lula boola kwiinda (inzi?) kumvwa, kumvwa Ijwi lya Leza. Elyo waa kamvwa kujatikizya muswaangano oyu mupati ngo bakali ku jisi kutala kuya, alimwi kufumbwa cindi mulongo wa banyama wa kaboola munzila eyo, waa kali kubuzya kuti, “Sa mwa, sena mwainda mu Palestine?”

“Iiyi.”

“Oh, ino kujatikizya ceeco?”

¹⁴⁶ “Oh, cila—cila indilila ku cintu cili coonse! Tona bwene kutweluka kuli boobo. Elyo cili buyo mbuli kaleza kakkede awo. Leza wabo ula imininwa mu muntu uutegwa Solomoni.”

¹⁴⁷ Ee, “lusyomo lulaboola ku kumvwa.” I moyo wa namalelo muniini waka talika kufwa nzala kuya kutala a kuyo ziba kujatikizya ncico. Mwabona, waa kalisalidwe ku Buumi.

¹⁴⁸ Amubone lino, cintu citaanzi cakucita lino, walo mukuba mupagani, waa kacita kuunka kuyo jana kuzumizigwa kuzwa ku mupaizi wakwe, kwiinka. Aboobo inga Nda yeeyela kumubona kainka kuya ku mupaizi wakwe, a kwaamba, “Taata uusalala, Nda mvwa kuti bali mukuba a lubukulusyo lupati kutala kuya mu—mu Palestine. Ndi yanda kujana kuzumizigwa kuya kutala kuyo libonena lwangu.”

¹⁴⁹ “Lino, mwana wangu, lino toyandi kunyonganisigwa muli zimwi... Nekubaboo, tatu belekela aamwi mu lubukulusyo olo, aboobo yebo—yebo tokonzyi kuunka. Wabona, eyo ni nkamu buyo ya bufubafuba. Taakwe—taakwe cintu kuli ncico. Balo bantu bataminina kuti ba kaboola kwiinda mu Lwizi Lusalala, nkabela bakacita zyoonse *ezi*, *ezyo*. Taakwe cintu kuli ncico. Ikuti na kwakali cintu cili coonse mbuli eco cicitika, inga caba moonya mu mbungano yesu.” Tu cijisi bamapagani.

¹⁵⁰ Aboobo tu jana kuti waa katalika kufwa nzala. Waa kati, “Lino langa,” waa kati, “ba ndaambila, kuti, ‘Leza wabo kutala okuya ula imininwa mu muntunsi, alimwi busongo bwakwe bulaindilila ku cintu cili coonse. Kutweluka kwakwe nkubotuloko.’”

“Oh, takukwe cintu kuli ceeco.”

Waa kati, “Pele inga Nda—Nda...”

¹⁵¹ “Ee, langa, uli namalelo, to konzyi kusanganisigwa mu nkamu ya bantu mbuli boobo. Nkokuti, to konzyi kucita ceeco. Eyo nkamu ya bantu, ili zibidwe koonse ku nyika mbuli basikwiindilizya bakombi. Yebo tokonzyi kucita eco.”

¹⁵² Pele, nywebo mwabona, cindi Leza aunka kubeleka a moyo wa muntu, taakwe cintu ciyo cilesya. Mulumi, mukaintu, bana, mweembeli, taakwe cimbi cikonzya ku cilesya cindi muntu nali mu kufwa nzala ini ya Leza. Bala unka, nekuba. Aboobo waa kalibambila, ku kulibambila.

¹⁵³ Ee, inga wati, “Ee, Njo kupa buyo...Njo—Njo kutanda kuzwa ku luswaanano lwesu.”

¹⁵⁴ “Ee, inga wacita buyo eco. Ndiyo unka, nekuba. Ndiyo ziba lwangu kujatikizya zyoonse ezi, a kubona.”

¹⁵⁵ Waa kaleta maskroo alimwi waa kabala obo Jehova mbwaelede kuba, kujatikizya basinsimi Bakwe a ceeco nca elede kucita, obo Ijwi lya Leza mbolina liyo yubululwa, obo Mbo lyakali kuyo ziba zintu ezi cindi nicaka imininwa, kavumbilidwe mu mibili wabuntunsi, eco cakali kuyo cita. Elyo waa kabala zintu ezi zyoonse.

Aboobo Nda kali kunga ndamumvwa kaamba, “Ee, langa, bbuku lyesu lyaamba *eci*,” wa kaamba.

¹⁵⁶ “Iiyi, langa, Nda...banene bangu bapati-bapati bakaimikila kumbele lyayo eyo mituni njionya. Waa kaimikila akupa mipailo, buzuba a buzuba. Kwa kanyina umwi wa keenda, umwi kavwiyyawiya, na cintu cimbi. Elyo Ndili katede, eci ciimo cifwide cakaindi. Ndi yanda kuyo bona ikuti na kuli Leza muumi.” Ncibi loko kuti tatu jisi banamalelo banji sunu.

¹⁵⁷ Aboobo waa kalibambila kuunka. Lino cindi nakasika ku kasena aka oko nkwa keelede kuunka, lino, amuyeeye, waa kajisi buyumuyumu bupati. Tii cakali citete mbuli mbo cinga caba kuli ndinywe. Lino amubone eco nca keelede kucita.

¹⁵⁸ Nceeci cintu cimbi Nce yanda, Nce tayandi kusiya. Waa kaamba eci, “Ndi inka kutala kuya, elyo Ndiyo tola mali amwi. Ndiyo tola zipego zimwi. Elyo ikuti na mbwini, Ndiyo cigwasilizya. Ikuti na tabuli bwini, nkokuti Nda konzya kujosya mali angu.”

¹⁵⁹ Oyo mwanakazi wakali kukonzya kuyisya ba Pentekoste. Iiyi, munene. Kugwasilizya zintu okuya zya kuseka a kufubaazya kuponesegwa kwa Buleza, elyo nekubaboo ula gwasilizya mabambe aa maredio mucibaka ca mbungano yako, mbo mbubo, a kuseka a kufubaazya zintu nzyoonya nzo musyoma.

¹⁶⁰ Pele waa kati, “Ndiyo citola. Elyo ikuti na tacili kabotu, Nda konzya ku cijosya.”

¹⁶¹ Lino amuyeeye, a buvubi obu boonse awo, aa nkamele ezi. Elyo lino amuyeeye, basikutanta bankamu yabana Ishimaele bakali bafumpi bamu lukula, bakali okuya. Ino nicakaba cintu cuubauba kuli mbabo kuwida mu—mu cisaalwa eci, alimwi, baa, niba kabajaya bazibe basyoonto bakali antoomwe anguwe, akutola mali ayo akuunka.

¹⁶² Pele kuli cintucimwi kujatikizya ncico, cindi wano kanzide ncobeni, nkabela Leza ulali yubununa Mwini, uli kanzide kubona Kristo, kwiina ntenda kumbele lyako. To bikkili maanu kuli koonse! I dokotela waamba kuti uyoofwa, yebo to ciboni akwalo. Cindi wali syanikizya, yebo ulizi kuti kuli cintu cimwi awo.

¹⁶³ Cintucimwi kunsi kwa moyo wakwe, cakali kupya, lusyomo muli Leza oyu! [Kabeela katakwe cintu aa teepu—Mul.]... myeezi yotatwe ya kweendela aa Lukula lwa Sahara. Kutali mu Cadillac ijisi eya kkondishina. Peepe, peepe. Waa katola myeezi yotatwe kulanduka Lukula lwa Sahara, ndiza kweenda masiku, kabala maskroo, mu oasisi cindi ca sikati, kusikila wa kasika.

¹⁶⁴ Lino, ta cigambyi Jesu nca kaamba kuti uyo ima ku mazuba akumamanino a kutapatila nzyalani eyi, nkambo bamwi babo taba keendi mu kagwagwa; alimwi mupati kwiinda Solomoni mpali awa, Muuya Uusalala Mwini. Mwabona? Ta cigambyi uyo buka ku mazuba aakumamanino a kupa mulandu ku nzyalani!

¹⁶⁵ Amulangilile, waa kasika kumalekelo. Ta kaboola mbuli bantu banji, bantu bamwi bayo boola ku muswaangano mweenzu. Waa kaboola a kubweza nkamele zyakwe, a kuzwa kuya mu busena bwa mayake, kuyaka matente akwe, alimwi waa kali kuyo kkala okuya mane kalamwa.

¹⁶⁶ Bantu banji bayo boola, kukkala ndiza maminiti osanwe, ndiza makumi obilo aosanwe. Kufumbwa buyo muvangeli na muntu umwi waamba cintu cimwi eco ciimpene kuli eco nca—nca yeeya kuti kayanza kakwe kabuzumini ka laamba, na walo, kayanza kakwe kabuzumini, mbaabo baunka. Mwabona, kutali akwalo kulilemeka. Ta cigambyi kuti uyo tapatila nzyalani eyi; waa kaboola kukkala mane waa kalamwa.

¹⁶⁷ Inga ndayeeya kuswaangana kutaanzi cifumo eco, cindi myeembo yoonse niya kalila, Mweembeli Solomoni wakazwa. Kwayanda wakali kkede kulaale kusule. Waa kati, “Lino Ndiyo libonena lwangu. Ndi lizi obo Jehova mbwaelede kuba. Muntu ulakonzya kubamba kutaminina, pele Ndila ziba.” Aboobo waa kakkala okuya buzuba obo elyo waa kalangilila, elyo waa kabona umwi aumwi kaboola ku cibumbili. Waa kabona kutweluka oko kuti kwakali londokede.

¹⁶⁸ Kumalekelo, atwaambe kuti kkaadi lyakwe lya mupailo lya kaitwa, eelyo lyatakliko, pele ciindi cakwe cakasika kumbele lya Solomoni. Elyo Bbaibbele lya kaamba, kuti, “Cindi na kaboola kwiima kumbele lya Solomoni, kuti Leza wakalekelo Solomoni kuziba maseseke aakwe oonse. Kwakanyina cintu cakasiswa.” Mpawo maleele akacitwa ali nguwe.

¹⁶⁹ Mpawo waa kasandukila ku bbunga, elyo waa kati, “Zintu ezi zyoonse Nze mvwa nzya bwini, alimwi akwalo ncipati maningi kwiinda Mbwe kamvwa.” Mwabona? Oh, kwa kanyina buumi bwa kasyaala muli nguwe, kuyoya kwakwe

kwa kagwisigwa kuli nguwe, nkaambo ngooyu mwaalumi wata kamuzi, mweenzu, waka yubununa zintu nzyakali kuyanda kuziba.

¹⁷⁰ Oh, elyo Jesu kaimvwi alya, oyo wakali kwiinda Solomoni! Wa kali buzule bwa Buleza camubili. Wa kali Mwana wa Leza wakazyalwa kuli nakalindu. Wa ka Mu samika, a Jehova Mwini waka yubululwa mu mubili. Elyo mpaawa Wa kaliimvwi alya mu buzule, elyo ba kati tiba ka Mu syoma, kutweluka kupati. Mwabona, Wa kali Solomoni kusanganya Davida, kusanganya boonse bambi babo boonse bakali muli Nguwe. Basinsimi boonse bakali zambaidwe muli Nguwe, mupati kwiinda Solomoni.

¹⁷¹ Elyo akwalo ku buzuba obo, Wa kati, “Ikuti na mwaamba majwi asampaula Ndime, Njo mujatila. Pele cindi Muuya Uusalala wasika, uyooba mupati kwiinda mboubede lino, a kuzulwa kunji.”

¹⁷² Elyo mpaawa twaima sunu mukubona kuti nguwenya Leza ulacita cintu nciconya! Nda syoma uyo buka mu Buzuba bwa Lubeta a kupa mulandu ku nzyalani eyi, nkaambo waa keempwa a kusyoma mulumbe oyo Solomoni ngwa kali kukambauka, a kusyoma ali Leza. Waa kabona cintucimwi cini.

¹⁷³ Nyeebo mulizi, eelyo penzi sunu, kuli bantu, bantu banji, a bantu abo bazulilwa a kuunka buyo ku mbungano a kuba akayanza kabuzumini, mwabona, baka bona kunji loko kwa bubeji, kunji buyo kwa zibumbwa, a kunji loko kwa mayake mabotu mapati. Elyo—elyo, swebo, tu ta—tu tazwi ku njila mu musyobo oyo wakunyema a kulilemeka kubi. Mwabona, Leza ta kkali mu mayake mapati; Ukkala mu moyo wako. Mwabona, Leza ta kkali mu lwiiyo lwabupampu; Uli kule kuli ncico. Walo ukkala mu bubombe, mu moyo wako.

¹⁷⁴ Ukkala mu Ijwi Lyakwe, nkabela Ijwi Lyakwe lilaboola mu moyo wako a kulinondezya Lini, a kutondezya. Ula pandulula Ijwi Lyakwe Mwini kwiinda muli nduwe. Walo usola kujana muntuumwi Ngwa konzya kujata, kutondezya kuti Walo ucili Leza. Mwabona? Elyo Mbwa bede, Uyo cita ceeco ikuti na Wa konzya buyo kujana muntuumwi Ngwa konzya kukanana. Ikuti na Wa konzya kujana mwanakazi umbi kuzwa bulowa, inga Wa ka cikanana cintu nciconya. Inga kacicita cintu nciconya, kulizibya, kutondezya. Tuli mu Busyu bwa Leza, kutali ku Ci ziba.

¹⁷⁵ Ciyeozya kaano kaniini. Kwayanda ndaka kaamba kuli ndinywe lomwe, Ta ndizi. Inga cayumuna ndyoonya lino. Mbuli mbo muzi nyoonse, Ndi—Ndi vwima banyama bapati. Elyo Nda kali kutala mu zisaka zya kunyika, kali kwinka kutala okuya kuyo vwima, ciindi coonse. Elyo Nda kajisi mweenzuma kutala kuya wakauzikwa kuti Bert Call. Wa kali muvwimi mubotu, kutandila muna India kucibela cimwi. Taakwe kalibilika kujatikizya nguwe, ta kali kuyo sweepa. Elyo twa kali balongwe

ncobeni, pele oyo wakali muntu mubyaabi loko, ku moyo, Ngwe kasola kubona. Ta kajisi luyando pe. Wa kali kudubula twana, oto ntu diiya tuniini, kundi bamba buyo kulimvwa bubi. Elyo wa kali kunga waamba, “Oh, nywebo no bakambausi muli basimyoyo yabukandu. Billy, yebo inga waba muvwimi mubotu ikuti na tookali mukambausi.” Kati, “Yebo ujisi moyo mukandu.”

Nda kati, “Bert, oyo tauli moyo mukandu.”

¹⁷⁶ Lino, cili kabotu ku jaya kana ikuti na mulao waamba booboo. Abrahamu wakajaya munamani a kuusanizya kuli Leza. Tauli musela wa ngubo na ngwa nkewela anzi.

¹⁷⁷ Pele nkuba buyo mubi ancico, alimwi wa kali kunga wadubula twana akuseka buyo, kupanga kuseka nkaambo Nda limvwa bubi kujatikizya ncico. Ee, lino, wa—wa kacita eco.

¹⁷⁸ Elyo mwaka omwe Nda kaunka kutala okuya. Elyo wa kalipangila ludweba luniini ndwa akali kukonzya kusiba, kulila mbuli kana, obo mbo ciita, nywebo mulizi, kuli banyina. Elyo aboobo wa kati, “Yawe, Billy, katutana talika cifumo cino,” kati, “Ndi yanda ku kutondezya cintucimwi Nce jisi.” Elyo wa kacitondezya kuli ndime.

Nda kati, “Bert, inga to belesya cintu cimwi mbuli eco.”

¹⁷⁹ Wa kati, “Oh, kozwa kuli lwako.” Elyo mulombwana waka jisi meso mbuli syadyolo nconzyo, mbuli bamwi banakazi aba mbo basola kupenta meso abo, nywebo mulizi nzila, mbuli booboo. Nywebo mulizi, wakandi langa, a meso alibonya mbuli ntombela, a liso, lyakali kutandila kundi yoosya.

Elyo—elyo Nda kati, “Bert, utaciti ceeco.”

Wa kati, “Oh, nywebo nobakambausi ba myoyo mikandu!”

¹⁸⁰ Aboobo twa—twa kali... Nda kali mukide aniini kusika ciindi eco. Alimwi abo bakuyiika ba micila iituba... Diiya wako mbuli kambongolo awa, inga weenda kuli nduwe, pele kutali umwi wazyo. Kufumbwa cindi na kadubulwa, walo ngu ii... Yebo waambaula zya Houdini muna aarti sikuloboka, walo ngu siciiya kuncito, kuli mbabo. Aboobo ciindi cakali manide elyo baka dubulwa. Alimwi diiya wakali yubide ansi, kacela masiku mu mumuni wa mweezi, akoona isikati. Twa keenda lweendo lonse kutala ku Jefferson Notch yakaindi, kuya atala lya Mulundu Washington. Kajisi, kutandila mainchi ali cisambomwe acaanda aansi, bube bubotu bwa kutobezya; kutasola kubona nouba mukondo omwe.

Wa kati, “Ino ueyeza nzi, Billy?”

¹⁸¹ Nda kati, “Mpaawo nyoonse mwaba konga bonse kuzwa awa, alo mameshini gani akaindi ngo mudubula.”

¹⁸² Elyo aboobo twa kazumanana. Kwiinde kaindi, kutandila ileveni okuloko. Lyoonse twa kali kubweza ii—ii limwi liniini

lya mabbodela abamba kupya kaazwide chokkoleti uupya. Nku ikuti na wali cisa, na cintucimwi cimbi, eco ncibukulusyo, a sandiwichi. Aboobo yakali kutandila ileveni na ileveni theeti, Nda yeeyela, twa kasika ku bbanda lya musela utandila busena bwa misobanino awa, na obu buyake, nkabelta taakwe mapulanga. Aboobo wa kabaanga wakkala buyo, wakabikka raifo yakwe ku cisamu, katalika kusika kusule *awa*. Elyo Nda kayeeya kuti wakali ku jokela kuyo bweza bbodela lyakwe—libamaba kupya. Nda kayeeya, “Ee, tuyu lya.”

¹⁸³ Kanji tula tanta atala lya mulundu akulya, elyo umwi wainka nzila imwi alimwi umwi imbi, mpawo kujokela. Elyo twa kalliizi nyila konse, kabotu. Elyo ikuti na tu jisi munyama diiya, tula mwaanzika buyo, elyo mpawo tula ziba, kainka a kugwasilizya umwi aumwi kuba njizya. Aboobo Nda kayeeya kuti wakali kuyo lya cisusulo cakwe, elyo twa kali kunga twalya, nkaambo cakali kutandila kutala ku mapulanga manji. Aboobo Nda . . .

¹⁸⁴ Wa katambikizya kusule. Elyo Nda katalika kubweza bbodela lyangu libamba kupya, bweza chokoleti wangu akutalika kuzwa mbuli obo. Elyo wa kasomona ludweba olo ludweba lwakaindi kuzwa mu nkomo yakwe, elyo wa kakupa kutukumuna kunyema kupati mbuli *boobo*. Elyo wakandi langa a meso alibonya mbuli ntombela alubo, akulizya ludweba. Elyo cindi na kacita, kutandila buyo kulaale mbuli kuzunguluka buyake obu, diiya mupati ncobeni wakaimikila.

¹⁸⁵ Lino ikuti na bamwi bacizi besu kabatazi, dowu walo ngu diiya muzyazi. Elyo, mwabona, ludweba lwakali muvwanda, elyo lwa kalila, elyo diiya mupati wakaimikila. Elyo eni kutandila ileveni okuloko iskati, kufumbwa uvwima ba diiya ulizi kuti nciindi cibbi. Bala ona.

¹⁸⁶ Aboobo waa kaima a kulanga koonse. Nda kali kukonzya kumubona cantangalala buyo. Wa kalanga kusule kuli ndime, elyo wa kalila alubo. Elyo mibusena bwa—bwa kuzuza, waa keenda kunjila moonya mu busena bwantangalala.

¹⁸⁷ Lino, eco cila gambya. Taba kaciti eco. Kufumbwa muvwimi ulizi eco. Elyo taba—elyo taba kaciti eco. Pele waa keenda nkoonya okuya. Nkaambonzi? Waa kali mutumbu; oyo wakali muvwanda. Wa kali, mwabona, wa kazyalwa buyo muli nguwe kuba mutumbu, a muvwanda oyo.

¹⁸⁸ Elyo Bert wakalanga ansi, kakwela eyo bbauti elyo, aku lilekela kuyaansi ku theeti-o-sikisi. Elyo wa kali kudubula mukali. Elyo Nda kamubona kaseluka ansi mbuli *obu*, alimwi Nda kalizi kuti uyo uma moyo wakwe usyomeka kwiinda ku mabazu obilo, musyonga wa mwaanda a makumi ali lusele, musyonga wabowa. Elyo Nda kayeeya, “Mboluti mbo konzya kucicita, Bert? Mboluti mbo konzya kuba mubi loko, kwiita oyo diiya mtumbu mpoonya alya elyo mpawo ku dubula ku moyo kuzwa kuli nguwe, a nguwe kusola kujana muvwanda

wakwe? Mbobuti mbo konzya kuba silunya loko mbuli kucita ceeco?” Nda kali kuyeeya ceeco. Elyo Nda kamubona kaseluka mbuli *boobo*.

¹⁸⁹ Elyo tii Nda kakonzya—Nda kakonzya kucilanga. Cakali buyo maningi. Ndi yeeyela kuti Ndili simoyo mikandu. Nda kafutata buyo sule lyangu, elyo Nda kayeeya, “Leza, mbobuti mbwa konzya kucicita? Mbobuti muntunsi mbwa konzya kuba silunya, kucita ceeco, kudubula buyo moyo wa mutumbu oyo mucete uusyomeka nkoonya kuzwa kuli nguwe?”

¹⁹⁰ Lino, ta kali kusola kulilemeka. Ta kali simweebwa. Waa kali mutumbu. Wa kabona muvwimi cindi na kawaalila ansi ntobolo eyo, pele waka tija? Peepe, munene. Muvwanda wakwe wakali mupenzi, elyo waa kali kusola kujana muvwanda wakwe.

¹⁹¹ Elyo Nda kafutata sule lyangu, mbuli Mbwe kaamba, a kutalika. Nda kati, “Mwami Leza, mbobuti mbwa konzya kucicita?” Nda kabona, a kulindila, a kulindila, ntobolo tiiya kaduka pe.

¹⁹² Elyo Nda kavuuluka a kulanga, nkabela ntobolo yakali kweenda mbuli *boobu*. Ta kacili kukonzya kwijjata limbi. Wa kanyona, alo meso mapati akaini adyolo kali coincide, misozi yakali kuloka ku masaya akwe. Wa kawaala ntobolo aa nkomwe, elyo wa kati, “Billy, Nda kajisi kunji kwa njiyo. Kondi sololela kuli oyo Jesu ngo ambaula.”

¹⁹³ Mpoonya aa nkomwe eyo ya caanda Nda kamusololela kuli Kristo. Nkaambonzi? Wa kabona cintucimwi cini, wa kabona cintucimwi cini. “Ikuti na baumuna i... luumuno lwabo, mabwe ayo ompolola.” Oyo mutumbu takali kusama cintu. Waa kali mutumbu wini. Takukwe makani na lwakali lufu, na mbo cakabede, waa kaiimvwi moonya mu busyu bwa lufu, mukuziba kuti kufumbwa miniti oyo musyonga niwa kamuuma mu moyo wakwe, pele waa kali kutobelwa mwana wakwe.

¹⁹⁴ Oh, ikuti na twa konzya buyo kuba Munakristo mbuli oyo munyama deo mbwa kali mutumbu! Nkaambonzi? Waa kazyalwa kali mutumbu, waa kazyalwa kuba mutumbu. Twa kazyalwa kusyoma Ijwi lya Leza. Twa kazyalwa kusyoma Jesu Kristo.

Atu kotamike mitwe yesu.

¹⁹⁵ Mbangaye bali omuno ndyoonya lino, a janza litambikidwe, banga bat, “Mukwesu Branham, nincobeni Ndi yanda kuba musyobo wa Munakristo mbuli oyo diiya muniini wakali mutumbu. Ndi—Ndi lombozya kuti moyo wangu wakazwide buyo loko a Kristo cakuti Nda konzya kwijima ku busyu bwa cintu cili coonse a kuba Munakristo wini mbubonya buyo mbuli doe oyo mutumbu mbwa kali mutumbu. Mebo, oyo ngo musyobo wa luzibo Ndwe yanda”? Sa inga watambika janza lyako? Leza aku longeye. Kuli kabotu. Leza aku longeye. Banji loko,

koonse. Ndili lumbide kapati kuti uci jisi cintucimwi cini muli nduwe ciyo kubamba kusyoma.

¹⁹⁶ Mwabona, ino kuti wakali nduwe oyo wata kasyoma? Sa eco inga nicaataba causisya nsoni, kubona sikutasyoma mu busena awo myoyo yabo mpoili muyumu loko mane taba konzyi kusyoma pe, kuyonyooka, kufwa, kusweeka, kuta ziba kujatikizya ncico, mukuta ziba oora kuti lufu inga lwa konkomona ku mulyango? We elede kuzwa kuya mu Butamani.

¹⁹⁷ Elyo Jesu wakati, "Muntu ata zyalululwa," kuba mbuli Munakristo mbuli oyo diiya mbwakali mutumbu, "to kaboni Leza; uli nyonyookede, takukwe makani kuvula kwa mambungano ngo sangana." Wa kali kwaambaula ku musololi wa zyabukombi wa buzuba obo, Nikodemo, mudaala wa myaka iili makumi aali lusele-yakukomena, a ku mwaambilila kuti weelede kuzyalwa, we elede kuba musyobo wa Munakristo mbuli duwo wakali mutumbu okuya.

¹⁹⁸ Sa kali umwi wata tambika maanza abo, oyo uzi ncobeni Busyu bwa Leza, ku Bu ziba a kwaamba, "Ndi lizi kuti Ndili lubide"? Cindi wa ziba kuti uli lubide, uli mukuziba Busyu bwa Leza.

¹⁹⁹ Pele cindi watanozyi kuti uli lubide, Bbaibbele lyakati, "Uli pengede." Mu bukkalo obu, mbungano inga yaba "ipengede, isampaukide, mucete, moofu, a sicinswe, a kuta ciziba."

²⁰⁰ Amuyeeye buyo ikuti na mwaalumi na mwanakazi wakali mu kagwagwa, kapengede, moofu, mucete, usampaukide, a sicinswe, alimwi inga wabaambila kuti bakali cinswe, nkabela inga baku swiilila, pele ino kuti bali cinswe alimwi taba cisyomi? Ino nciimo cakuyeeya mbo cibede!

²⁰¹ Ee, lino, oyo ngo musyobo wa ciimo cakumuuya mbo cibede. Bantu bali ofweede kumuuya, bapengede, basampukide, cinswe kumbele lya Leza, basizibi kabasola kulisia kunze lya matu aa mukuyu aa kabungwe kamwi, elyo taba cizyi.

²⁰² Sa inga watambika janza lyako, muntuumwi umbi? Leza aku longezye. Mbo mbubo. I Mwami aku longezye. Kumbele lyako, ndiza uli mweenzu awa, tona bona Leza kacita cintu comwe, pele kotana bona cintu cili coonse, uci, yebo wati, "Ndiyo citambula aa mbaakani ya Ijwi. Ndi lizi kuti mupati kwiinda Solomoni mpali ano; Muuya Uusalala mulemu wa Leza nkouli. Nda Utwe luka. Nda Ci syoma. Ndiyo nyamuna janza lyangu. Ndime sizibi; Ndiyo lomba lufutuko."

²⁰³ Taata Wakujulu, longezya aba batambikide maanza abo. Twa lomba kuti luse Lwako lulapegwa kuli baabo bali—bali mbasizibi. Nkokuti, ndiza ba zulilwa ku mbungano. Balo, eco nekuba tacaambi kuti tabali basizibi. Elyo ba tambika maanza abo, ba yanda kufutulwa. Mwami, kali Cintucimwi kwinda kuli mbabo. Ba uziba Muuya Uusalala okuya. Elyo ba—ba ziba kuti Wali Leza, alimwi Wali kukanana kuli mbabo, kuti, kuteeti tiiba

kajisi luzibo olo ndo bakeelede kuba alo, nkabela ba tambika maanza abo.

²⁰⁴ Wa kati, "Oyo uyo boola kuli Ndime, Nse kamu tandi pe." Elyo Ndi lizi obo mbwini. Yebo wakati, mu Musalali Johane 5:24, "Oyo uumvwa Majwi Angu a kusyoma Oyo waka Ndi tuma, uli jisi Buumi buteeli; taka booli mu Lubeta, pele wakazwa ku lufu kuya ku Buumi. Oyo uboola kuli Ndime, Njo mupa Buumi buteeli, njo mibusya ku mazuba akumamanino." Ezyo nzisyomezyo Zyako, Taata.

²⁰⁵ Nda taminina umwi aumwi wabo. Ndiza Munakristo umwi, Mwami, oyo uli mukusola kweenda kwiinda mu buumi, kusola kupona kabotu, buzuba abuzuba, elyo ba—ba yanda luzibo lwa—lwa—lwa bweende bubotu, ba tambika maanza abo, abalo. Taata, Nda komba kuti Uyo balongezya. Akube kuti bajane oko kunji koonse sunumasiku muli Kristo, Ijwi lyakaba mu mubili wabantu akati kesu. Ko cipa, Mwami. Nda batuula kuli Nduwe, mu Zina lya Mwami Jesu Kristo. Ameni.

²⁰⁶ Leza amu longezye. Elyo mbuli mbo mukkede cabuumuzi loko, mwabona, aniini buyo; oh, ma, Ndai ndilizya maminiti osanwe ku ciindi cangu lino. Kondi jatila, Nse kanza kukanana kwa ciindi cilamfu. Nda mwaambila, atu lindile buyo aniini, amu ndipe buyo maminiti ambi ali osanwe ikuti na mula cita.

²⁰⁷ Mbangaye bazi obo Leza mbwakabede? Tu lizi obo Bbaibbele mbolya kaamba kuti Mbwa kabede, alimwi Bbaibbele lya kat, "Ngu mbobuca nguwenya, sunu, amuya myaaka." Elyo Jesu wakati, mu Musalali Johane cipati 14, kampango ka 12, Wa kati, "Oyo usyoma Ndime, milimo eyo Nje cita uyo icita awalo." Kutali oyo uli cengeezya, pele, "oyo usyoma Ndime." Sa obo mbwini, bakwesu bangu bakutausi? Obo mbwini. Mbangaye babali ba Bbaibbele bazi kuti obo mbwini? "Majulu a nyika ziyo loba," pele Majwi Aakwe takonzyi kukakilwa. Wa kasyomezya ceeco.

²⁰⁸ Lino kuli, kwiina kuzumbauzya, bantu baciswa aakati kanu kumasena kuya. Ta ndi muzyi, nokuceya. Elyo kutondezya eco Nce kali kwaamba kaindi kainda, mbuli Angelo wa Mwami mu mazuba akainda, mazuba akainda, akamana, Jesu wakati, "Mbuli mbo kwakabede mu mazuba akwa Lota, mbubonya mbo kuyooba ku kuboola kwa Mwana wa muntu." Sa inga mwabona eco Nce kali kwaambaula, alo mazina a zintuzyonse zimbi mubusena, Mbungano ilikkede kabotu, sa inga mwacibona? Lino Ndili masimpe mwaka bala aakati ka mizila ya zintu ezyo nze Nda takaamba, nywebo mwabona eco nce Nda kali kupandulula. Lino ikuti na nobantu omuno, abo bacisidwe a babulide, Ndili . . .

²⁰⁹ Ino Ndi jisi mulimo nzi weeledge kuba kokuno? Ino inga Nda iminina nzi awa, mbuli silweeno? Ikuti na Nda kali kucita ceeco, nciindi cangu ku . . . Nse—Nse citi—Nse yandisyi kupona. Inga—Inga—Inga ndayanda kufwa. Inga—Inga ndasala kuzwa a

kuba cintu cimbi kunze lya kuba silweeno. Elyo ino Leza uyo ndicitila nzi? Elyo Nse zyi kuti Ndiyo pona masiku, ayebo tozyi. Pele silweeno, tu yanda kuba . . . Ino cigwasya nzi kuba silweeno, kakuli ula konzya kuba wakasimpe? Pele, nywebo mwabona, Nceenzu loko kuli ndinywe.

²¹⁰ Lino, amulange, ikuti na Nda taminina kuti Magwalo aya ayelede kuzulila, ayo Nge bala a kumutondezya mu masiku aindia obilo, obo Jesu mbwa kabede, obo Busyu Bwakwe mbo bubede lino! Elyo We elede kubweeda ku mazuba aakumamanino, tu lizi kuti, kwiinda mu mubili wabuntunsi, a kulitondezya Mwini munzila njionya. Toonse tu lizi obo. Sa tu lizi obo? Amwaambe, “Ameni,” ikuti na mbo cibede. [Mbunga yaamba, “Ameni.”—Mul.] Ncibotu. Lino ku lugwasyo Iwanu, Nda mwaambila, kwaamba eci kuli ndinywe, mu Zina Lyakwe: Mpali ano, Leza nguwenya wakaseluka a kwaambaula kuli Abrahamu, wakafutete sule Lyakwe ku tente, a Sarah mu tente, Wa kalizi eco ncakali kuyeeya.

²¹¹ Wa kaamba cintu nciconya cindi Na kaboola kuno. Wa kalanga aa nkamu ya bantu a kuziba eco cakali mu moyo wabo. Ii mwanakazi wakaguma cikobela Cakwe; Wa kalanga koonse mane Wa kamujana, a kumwaambila.

²¹² Moofu Batimeyu waka guma cikobela Cakwe, cindi na kalila, “Yebo Mwana wa Davida, koba a luse,” kaimvwi mayaadi ali myaanda yobile kuzwa awo Mpa kainda. Lusyomo lwakwe lwakaimika Mwana wa Leza, mu mugwagwa, a kunyona a kuti, “Amu mulete okuno.”

²¹³ Zakayu muniini mu cisamu, wakalisisa mwini, kati . . . aboobo ta kasyoma kuti Wa kali Musinsimi, akwalo. Elyo Jesu wakasika ncobeni, kaima kundi lya cisamu a kulungumana, a kuti, “Zakayu, seluka,” kamwiita zina lyakwe.

²¹⁴ Kakuli Jesu takalina mubona Petro, elyo Andreya waka muleta okuya. Cindi Na kamubona kasika, kati, “Zina lyako ngu Simooni. Uli mwana wa Jonasi,” waka mupa zina lyakwe, kamwaambila obo mbwa kabede.

Kaambila Nataniyeli oko nkwa kabede, eco nca kacita.

²¹⁵ I mwanakazi, a musyobo wa ciimo mwaa kabede, alya kali penzi lyakwe, abwa kali bulwazi bakwe.

²¹⁶ Oyo ngu Leza, beenzuma! Mbangaye basyoma boobo a moyo wanu oonse, kwaamba, “Oyo weelede kuba Leza”?

²¹⁷ Mbangaye banu muno bazi kuti Nse zyi cintu comwe kujatikizya ndinywe, tambika janza lyako, kwaamba buyo, “Ndi lizi kuti oyo muntu tazi cintu cijatikizya ndime, nconzyo—nconzyo walo muntu buyo”? Obo Mbwe bede, munyoko buyo. Ndili waano kusola ku mugwasya.

²¹⁸ Pele Nda lungulula! Mbangaye bakabala bbuku lyangu a zintu? Nywebo mulizi, mula syoma obo, Bwini? Aya mazuba aakumamanino. Elyo lino Mwami Jesu kotu gwasya.

²¹⁹ Elyo ikuti na Uyo boola sunumasiku... Elyo kuta lekela umwi wanu kweenda. Mukkale buyo moonya mu zyuuno zyanu awo mpo mubede, a kusyoma, elyo Mwami Jesu uyo boola sunumasiku a kutondezya zintu ezi Nzya kaamba, zintu ezi Nzya kasyomezya. Ikuti na Ula zitondezya kuba Bwini, sena mula Mu syoma? Amusyome!

²²⁰ Taata Wakujulu, lino Nda kanana kujatikizya Nduwe, obo Mbo kabede, obo Mbobede. Lino sa Uyo boola buyo kunembo lya cilao? Elyo bantu abo bakkede omuya mu bbunga, beenzu cakumaninina, sa Ula lizibya Omwini kuli ndiswe sunumasiku, Mwami, kuti tuzibe a kutweluka kuti Magwalo aya azulizigwa, kuti "Jesu Kristo ngu mbobuca nguwenya, sunu, amuya myaaka"? Mpawo ikuti na tupona mu mazuba aakumamanino, mbuli Mbwa kaamba kuti Uyo liyubununa Mwini ku mazuba aakumamanino, mbuli Mbwa kacita ku Sodoma mwana waka syomezegwa katana kusika kuli Abrahamu, ee, Lunyungu Lwabwami ilwa Abrahamu olo luyandaula Mwana Wabwami, cintu nciconya ciyo citika. Elyo amulangilile akwalo kusika kuciimo, ciindi, mazina, a zintuzyonse zili londokede mu mundando, Taata. Kotu gwasya, twa lomba, mu Zina lya Jesu Kristo. Ameni.

²²¹ Lino Ndi yanda kuti mukombe, umwi aumwi wanu. Kufumbwa buyo cilubide, amu Mu lombe buyo. Lino Walo Mupaizi Mupati.

²²² Akwalo, mbangaye bakutausi bali mu buyake, amu tambike maanza anu, koonse? Ndi yeeyela kuti kuli bali makumi otatwe na makumi one. Lino mbangaye banu bazi eci, kuti Bbuku lya ba Hebrayo, Cizuminano Cipy, cila twaambila ndyoonya lino "Jesu Kristo Mupaizi Mupati uukonzya kugumwa kwiinda kukulimvwa kwa kulengauka kwesu"? Sa inga watambika maanza ako akuti, "Ndi lizi Mbwini. I Bbaibbele lyaamba ceeco"? Mbo mbubo. Yaa.

²²³ Mpawo ikuti na Walo Mupaizi Mupati, Ngu mbobuca nguwenya, sunu, amuya myaaka. Mpawo ikuti na wa Mu guma sunumasiku, Inga walilemeka mbuli Mbwa kacita kaindi okuya. Sa mbo mbubo? Mbuli Mbwa kacita jilo!

²²⁴ Ee, cindi oyo mwanakazi nakaguma cikobela Cakwe. Yebo wati, "Oh, pele ikuti Nda konzya!" Lusyomo lwako lwa ciguma. I cakunyama, Ta kalimvwa. Lwakali lusyomo lwa mwanakazi, lwa kaguma cikobela. Lusyomo lwako inga lwa Mu guma lino. Sena mula syoma obo?

²²⁵ Mpawo ikuti na Ijwi lya Leza lya tondezegwa, Uyo yubununa cintu eco nciconya a kutondezya cintu nciconya. Sena ula syoma eco a moyo wako oonse? Ncibotu, lino amu Mu syome buyo, amu

Mu syome. Muta zumbauzyi. Pele amube a lusyomo muli Leza, kuti Uyo cicita. Muntuumwi nzila *eyi*, komba buyo a kusyoma buyo a moyo wako oonse, mpawo muntuumwi munzila *eyi*. Elyo ikuti na Leza uyo lekela omwe na bantu na bobilo mbo muzyi, eco citakakilwi, mbangaye banu bayo syoma mpawo kuti tula ziba Busyu Bwakwe? Mpawo nku konse kuyandikana. Oko nku konse kuyandika.

²²⁶ Mulindu ukkede mpoonya alya, undi langide okuya, uciswa penzi lya moyo. Sena ula syoma kuti Leza uyo ponya moyo, kukubamba kuba kabotu? Ujisi penzi lya moyo. Ikuti na mbo mbubo, tambika janza lyako. Sa Ndili mweenzu kuli nduwe, nse kuzyi? Pele obo mbwini, ncibotu, yebo, mulindu, wamvvi mutwe ukkede alya. Yaa.

²²⁷ I mulindu ujisi grini, yebo wanyamuna janza lyako mujulu awo, kuti yebo—yebo... Penzi lyako ngu coondamazwi. Sena ula syoma kuti Leza uyo kubamba kuba kabotu, a coondamazwi? Ikuti na mbo mbubo, tambika janza lyako. Mwabona? Yaa. Mwabona? Kucitika buyo ku busya... Lino Cintucimwi caboola atala lyanu, embo na? Mwabona, oyo Mumuni. Mbangaye bakasola kubona cifoto ca Mumuni oyo? Ngooyo Ula lengelela, mpoonya atala lya mwanakazi. Mpoonya buyo kulimvwa kubotu loko kwa kuvumpa. Eco ncaa cita, wabona. Leza wakuleleka, aku kuponya, ku kubamba kuba kabotu. Sena ula cisyma?

²²⁸ Sena ula syoma kuti Uli zyi cilubide kuli nduwe? Biyo Ula konzya kukuponya. Kalo nkamvule kasiya, kasuntu. Ikuti na mbo mbubo, tambika janza lyako, mulindu muniini. Wayeeya bwaandeene aniini kwiinda mbo cita maminiti masyoonto aindia, embo na? Yebo wabona cindi Ne kaima kwiitwa oko, kucita ceeco? Eco nce cali ca kaambo ako, cali cako. Lino ikuti na ula syoma amoyo wako onse, kwalo kuganyuka kula kusiya. Sa ula citambula a kucisyoma a moyo wako oonse? Leza aku longezye. Koya, ko cisyma.

²²⁹ Oyu mulindu ukkede mpoonya awa, uciswa penzi lya mwida, sena ula syoma kuti Leza ula kuponya? Mpoonya awa kumamanino, sena ula syoma kuti Leza uyo kuponya, ku kubamba kuba kabotu ku penzi lya mwida? Ula cita, ula cizumina? Yaa. Leza aku longezye.

²³⁰ Ndi mweenzu umaninide ku mwanakazi, nse muzi. Walo mwanakazi buyo ukkede alya, pele Leza ula cicita. Sena ula syoma a moyo wako oonse lino? Ncibotu, koba buyo a lusyomo.

²³¹ I mulindu uukkede mpoonya awa kumamanino, uciswa penzi lya mululwe. Jisi tubwe mu mululwe, muni, tula kuperenzya. Ikuti na mbo mbubo, tambika janza lyako; mweenzu ncobeni kuli nduwe, ikuti na mbo mbubo. Mwabona?

²³² Ii mulindu ukkede moonya munsi lyako, ula ciswa, awalo. Mwa Ubona, sa tamu konzyi kubona Mumuni oyo atala lya mwanakazi ulya? I mulindu ujisi penzi lya nsa. Mbo mbubo.

Ujisi kuciswa kuvula kwa uriya ujaya mu nsa zyakwe. Mbo mbubo, tambika janza lyako. I mulindu oyo ukuguma mpawo, uciswa ii—ii penzi lya kulibilika. Muli beenzu bobilo, tamu zwi kokuno. Mbo mbubo, embo na? Mu zwa ku Iowa. Yebo uzwa ku dolopo lya De Moines. Mbo mbubo, embo na? Sena ula syoma kuti Leza inga wandaambila zina lyako mbolibede, mbuli Mbwa kacita Petro? Ikuti na ula syoma a moyo wako oonse! Zina lyako ngu Muka. Wolff. Mbo mbubo, tambika janza lyako. Ncibotu, kopiluka koponede lino, Jesu Kristo wakubamba kuba kabotu.

²³³ Sena mula buziba Busyu Bwakwe, nywebo mulizi kuti Mpali ano? Mpawo sa inga tobikka maanza ali umwi aumwi lino, kuciindi Muuya Uusalala nouli ali nduwe. Oyo Muuya Uusalala aali ndinywe. Lino umwi aumwi wanu inga waponesegwa lino ikuti na mwa cisyoma buyo. Sena ula cisyoma a moyo wako oonse?

²³⁴ Taata Wakujulu, taakwe cintu cisyeede lino pele lusyomo. Twa ukaka mudima oonse lino. Cindi lubukulusyo, mbuli mbo Nda kaamba ku matalikilo, i mayuwe akaseluka aatala aa maanzi ku selauka mujulu aansi, ku—ku—ku gwisyah kutasyoma kuzwa kuli ngawo; lino kuciindi Muuya Uusalala nou vukauzya koonse akoonse kwiinda mu bantu awa, akube kuti kutasyoma koonse ku gusigwe, alimwi akube kuti nguzu zya Leza Singuzuzyonse angulule uuciswa oonse sunumasiku.

²³⁵ Nda mutapatila dyabulosi. Saatani, toli cintu pele mumpelenge, alimwi wa yutululwa mpoonya awa akati ka bantu, kwiinda ku bumboni bwa Lugwalo ibwa Jesu mumi wakabuka. Nda kulailila, kwiinda kuli Leza muumi, kozwa mu bantu aba a ku basiya kuunka, nkambo ka bulemu bwa Leza.

²³⁶ Boonse abo batambula kuponesegwa kwanu, amwiime ku matende anu lino a kwaamba, “Nda syoma. Takukwe makani eco cicitika, mbo citola ciindi cilamfu, Ndi lizi kuti Ndiyo oba kabotu. Nda citambula, a moyo wangu oonse.”

²³⁷ Amunyamune maanza anu lino. “Nda Kulumba, Mwami.” Alumbwe Mwami. Mbo mbubo, amu Mu lumbaizye. Lino amu tambike buyo maanza anu aku Mu lumbaizya ku kuponesegwa kwanu, nzila mbo mucita mu mambungano anu. Mukwesu... .



KUTAZIBWA KWA BUSYU BWA LEZA TNG64-0618
(The Presence Of God Unrecognized)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwane mangolezya, Gandapati 18, 1964, ku Municipal Auditorium mu Topeka, Kansas, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org